

昌黎先生詩集目錄

門人李

漢

編

藏園校定群書

第一卷

感二鳥賦

復志賦

閔已賦

別知賦

送楊儀之

元和聖德詩

琴操

十首

南山詩

謝自然詩

秋懷

十二首

江陵途中寄翰林三

學士

暮行河堤上

夜歌

重雲

江漢

長安交遊者

岐山下一首

第二卷

北極贈李觀

此日足可惜贈張籍

幽懷

君子法天運

落葉送陳羽

歸彭城

醉後

醉贈張祕書

同冠峽

送惠師

送靈師

縣齋有懷

合江亭

陪杜侍御遊湘西寺

岳陽樓

送文暢師

荅張徹

薦士

喜侯喜至贈張籍張徹

古風

驚驥

馬厭穀

出門

嗟哉董生行

烽火

汴州亂二首

利劍

齷齪

第三卷

河之水

山石

天星

汴泗交流

忽忽

鳴鴈

龍移

雉帶箭

條山蒼

贈鄭兵曹

桃源圖

東方未明

贈唐衢

貞女峽

贈侯喜

古意

八月十五夜

謁衡嶽廟

岫嶠山

永貞行

洞庭湖阻風

李有花贈張十一署

杏花

感春 四首

寒食日出遊

憶昨行

第四卷

劉生

鄭羣贈簞

豐陵行

遊青龍寺贈崔補闕

贈崔立之

送歐弘

三星行

剝啄行

青青水中蒲 三首

孟東野失子

陸渾山火

縣齋讀書

題新竹

晚菊

齒落

哭楊兵曹凝陸歙州

參

苦寒

赤藤杖歌

酬崔十六少府

送侯參謀

東都遇春

感春 五首

酬裴十六功曹

燕河南府秀才

送李翱

送石處士

送湖南李正字

第五卷

辛卯年雪

醉留東野

李花 一首

招揚之眾

寄盧仝

酬司門盧四雲夫院

長望秋作

誰氏子

河南令舍池臺

送無本師歸范陽

石鼓歌

雙鳥

贈劉師服

題炭谷湫祠堂

聽穎師彈琴

送陸暢歸江南

送進士劉師服東歸

嘲魯連子

贈張籍

調張籍

和盧郎中雲夫寄示

盤谷子歌

寄皇甫湜

病中贈張十八

雜詩

寄崔二十六立之

月蝕詩效玉川子作

孟先生詩

射訓狐

將歸贈孟東野房蜀客

荅孟郊

從仕

短燈檠歌

送劉師服

第六卷

符讀書城南

示爽

人日城南登高

病鴟

華山女

讀皇甫湜公安園池

詩書其後

路傍堠

食曲河驛

過南陽

瀧吏

贈元十八協律 六首

初南食貽元十八協律

宿曾江口示姪孫湘 二首

荅柳柳州食蝦蟇 別趙子

除官赴闕至江州寄鄂岳李大夫

南山有高樹行贈李宗閔

猛虎行

第七卷

雪後寄崔二十六丞公

送僧澄觀

獻山南鄭相公樊負

外

和武相公詠孔雀

感春

三首

行香贈盧李二中舍

人

晚寄張十八助教周

郎博士

題張十八所居

酬盧給事曲江荷花行

和錢七盆池所植

記夢

南內朝賀歸呈同官

朝歸

雜詩

三首

讀東方朔雜事

譴瘡鬼

示兒

庭楸

翫月喜張十八負外與王六至

和李相公攝事南郊

和裴僕射相公為山

與張十八同效阮步兵

送諸葛覺往隨州讀書

南溪始泛

三首

贈河陽李大夫

鄆州溪堂詩

苦寒歌

第八卷

城南聯句

會合聯句

鬪雞聯句

納涼聯句

秋雨聯句

征蜀聯句

同宿聯句

莎柵聯句

雨中寄孟刑部幾道聯句

遠遊聯句

晚秋郾城夜會聯句

第九卷

題楚昭王廟

宿龍宮灘

義魚招張功曹

李貞外寄紙筆

次巫冠峽

荅張十一功曹

郴州祈雨

湘中酬張十一功曹

郴口又贈

題木居士

晚泊江口

湘中

別盈上人

喜雪獻裴尚書

春雪

聞梨花發贈劉師命

春雪閒早梅

梨花下贈劉師命

和歸工部送僧約

入關詠馬

早春雪中聞鶯

木芙蓉

題張十一旅舍

榴花

井

蒲萄

峽石西泉

涼國惠康公主挽歌

二首

和崔舍人詠月 二十韻

詠雪贈張籍

酬王二十舍人雪中

見寄

送侯喜

學諸進士作精衛銜石填海

酬振武胡十二大夫

和盧庫部元日朝迴

寒食直歸遇雨

送李六協律歸荆南

題百葉桃花

春雪

戲題牡丹

盆池 五首

芍藥

奉和虢州劉給事三

堂 二十一詠并序

新亭

流水

竹洞

月臺

渚亭

竹溪

北湖

花島

柳溪

西山

竹迳

荷池

稻畦

柳巷

花源

北樓

鏡潭

孤嶼

方橋

梯橋

月池

遊城南

十六首

賽神

題于賓客莊

晚春

落花

楸樹

二首

風折花枝

贈張十八助教

題韋氏莊

晚雨

出城

把酒

嘲少年

楸樹

遠興

贈同遊

第十卷

送李尚書赴襄陽

和席八十二韻

和武相公早春聞鶯

太安池

闕

遊太平公主山莊

晚春

大行皇太后挽歌詞

三首

廣宣上人頻見過

閑遊

二首

酬馬侍郎寄酒

和侯協律詠筍

過鴻溝

送張侍郎

贈刑部馬侍郎

和裴相公女几山下作

郾城晚飲贈馬侍郎及馮李二員外

酬別留後侍郎同李二十八夜次襄

城司李二十八野宿西

界過襄城

宿神龜招李二十八馮十七

次硤石和李司勳過連昌宮

次潼關寄張十二閣老使君

次潼關上都統相公

桃林夜賀晉公送李員外院長分司

東都和晉公破賊回重拜

台司獨釣四首

枯樹元日酬馬尚書去年

元日之什詠燈花同侯十一

祖席前字前題秋字

送鄭尚書赴南海荅道士寄樹雞

左遷至藍關示姪孫湘

武關西逢配流吐蕃

次鄧州界題臨瀧寺

酬韶州張使君惠書

題秀禪師房將至韶州寄張使君

借圖經

過始興江口感懷

韶州留別張使君 量移袁州酬張韶州

次石頭驛寄王中丞

遊西林寺題蕭郎中舊堂

自袁州還京次安陸寄周隨州

題廣昌館 寄隨州周員外

酒中留上襄陽李相公

題層峯驛梁 賀張十八祕書得裴

司空馬 杏園送張徹

雨中寄張博士侯主簿

和張侍郎酬馬尚書

早春遊楊尚書林亭

奉使常山次太原 夕次壽陽驛題吳郎

中詩後 鎮州初歸

同水部張員外曲江春遊寄白舍人

和水部張員外宣政衙賜櫻桃詩

早春呈水部張員外

二首

送桂州嚴大夫 酬馬僕射見寄之作

奉使鎮州酬裴司空

鎮州路上酬裴司空重見寄

和僕射裴相公感恩言志

和僕射相公朝迴見寄

和李相公題蕭家林亭

和杜相公太清宮

昌黎先生詩集目錄

昌黎先生外集遺詩目錄

外集

明水賦

芍藥歌

海水

贈崔立之

送汴州監軍俱文珍

遺詩

有所思聯句

遣興聯句

贈劔客李園聯句

同竇韋尋劉尊師不

遇

春雪

贈族姪

嘲鼾睡二首

畫月

贈張徐州莫辭酒

辭唱歌

知音者誠希

酬藍田崔丞立之詠雪見寄

潭州泊船呈諸公 飲城南道邊古墓上

逢中丞過贈禮部衛員外少室張道士

池上絮

昌黎先生外集遺詩目錄

昌黎先生詩集卷第一

明人李

漢

編

感二鳥賦

并序

貞元十五

一作

年五月戊辰愈東歸癸酉自潼關

出息于河之陰時始去京師有不遇時之歎

見行有籠白鳥白鸚鵡而西者號於道曰某土之

守某官使使者進於天子東西行者皆避路莫

敢正目焉因竊自悲幸生天下無事時承先人

之遺業不識干戈耒耜攻守耕穫之勤讀書著

文自七歲至今凡二十二年其行已不敢有愧

一作某土之
守臣某

於道其闕居思念前古當今之故亦僅志其一
 二大者焉選舉於有司與百千人偕進偕退曾
 不得名於薦書齒下士于朝以仰望天子之光
 明今是鳥也惟以一有羽毛之異非有道德智謀
 承顧問贊教化者乃反得蒙採擢薦進光耀如
 此可以一作為人而不如鳥乎故為賦以自悼且明
 夫遭時者雖小善必達不遭時者累善無所容
 焉其辭曰
 吾何歸乎吾將既行而後思誠不足以自存苟
 有食其從之出國門而東鶩觸白日之隆景時

返顧以流涕念西路之差永過潼關而坐息窺
 黃流之奔猛感二鳥之無知方蒙恩而入幸惟
 進退之殊異增余懷之耿耿彼中心之何嘉一
 徒外飾焉是逞余生命之湮阨曾二鳥之不
 如汨東西與南北亘十年以不一作居辱飽食其
 有數況策名與薦書一云策名於薦書時所好之為賢
 庸有謂余之非愚昔殷之高宗得良弼於宵寐
 孰左右者為之先一有信天同而神比及時運之
 未來或兩求而莫致雖家到而戶說祇以招尤
 而速累蓋上天之生余亦有期於下地盍求配

於古人獨怙悵於無位雖得之而不能一作孤乃鬼神之所戲幸年歲之未暮庶無羨於斯類

復志賦 并序

愈既從隴西公平汴州其明年七月有負薪之疾退休於居作復志賦其辭曰

居悒悒之無解一作辭兮獨長思而永歎豈朝食之

不飽兮寧冬裘之不完昔余之既有知兮誠坎

軻而艱難當歲行之未復兮從伯氏以南遷凌

大江之驚波兮過洞庭之漫漫至曲江而乃息

兮逾南紀之連山嗟日月其幾何兮攜孤嫠而

或作
臧

而一作之
非是

志有

一作
真

一作所持
一作四馳

一作射利
一作附勢

北旋值中原之有事兮將就食於江之南始專

專於講習兮非一作古誥一作古訓為無所用其心窺前靈

一作修之逸迹兮超孤舉而幽尋既識路又疾驅兮

孰知余力之不任考古人之所佩兮閱時俗之

所服忽忘身之不肖兮謂青紫其可拾自知者

為一作不明兮故吾之所以為惑擇吉日余西征兮

亦既造夫京師君之門不可逕一作徑而入兮遂從

試於有司惟名利之都府兮羌眾人之四一作所馳

競乘時而射利兮紛變化其難推全純愚以靖

自一作處兮將與彼而異宜欲奔走以及事兮顧初

心而自非朝馳一作騁騫乎書林兮夕翱翔乎藝苑
 諒却步以圖前兮不浸近而逾遠哀白日之不
 與吾謀兮至今十年其猶初豈不登名於一科
 兮曾不補其遺一作補餘進既不獲其志願兮退將
 遁而窮居排國門而東出兮嗟一作既余行之舒舒
 時憑高以迴顧兮涕泣下而交如戾洛師而悵
 望兮聊浮游以躊躇假火一作大龜以視兆兮求幽
 貞之所廬甘潛伏以老死兮不顯著其名譽非
 夫子之洵美兮吾何為乎浚之都小人之懷惠
 兮猶知獻其至愚固余異於牛馬兮寧止乎飲

水而求芻伏門下之默默兮竟一作卒歲年以康娛
 時乘間以獲進兮顏垂歡而愉愉仰盛德以安
 窮兮又何忠之能輸昔余之約吾心兮誰無施
 而有獲嫉貪佞之洿濁兮曰吾其既勞而後食
 懲此志之不修兮愛此言之不可忘情怊悵以
 自失兮心無歸而一作之茫茫苟不內得其如斯兮
 孰與不食而高翔抱關之阨陋兮有肆志之陽
 陽一作揚揚伊尹之樂於畎畝兮焉貴富之能當恐誓
 言之不固兮斯自誦以成章往者一有不可復兮
 冀來今之可望

一本無
而字

身一作

惟字作
憶者非

人下二
無字

閔已賦

余悲不及古之人兮伊時勢則然獨閔閔一作閔其
 曷已兮憑文章以自宣昔顏氏之庶幾兮在隱
 約而平寬固哲人之細事兮夫子乃嗟歎其賢
 惡飲食乎陋巷兮亦足以頤神而保年有至聖
 而為之依歸兮又何苦不自得於艱難曰余昏
 昏其無類兮望夫人其已還一作遠行舟楫而不識
 四方兮涉大水之漫漫勤祖先之所貽兮勉汲
 汲於前修之言雖舉足以蹈道兮哀與我者為
 誰眾皆捨而已用兮忽自惑其是非下土茫茫

其廣大兮余豈豈一作不知其可懷就水草以休息
 兮恒未安而既危久拳拳其何故兮亦天命之
 本一作宜惟否泰之相極兮咸一得而一違君子
 有失其所兮小人有得其時聊固守以靜俟兮
 誠不及古之人其焉悲

別知賦送楊儀之

余取友於天下將歲行之兩周下何深之不即
 上何高之不求紛擾擾紛擾而既多咸喜能而
 好修寧安顯而獨裕顧阨窮一作塞而共愁惟知心
 而難得斯百一作旦而為收歲癸未而遷逐逐侶蟲

蛇於海陬遇夫人之來使關公館以一作羅羞索

微言於亂志發孤笑於羣憂物何深而不考理

一作情何隱而不抽始參差以異序卒一作爛一作漫而

同流何此歡之不可恃遂一作駕馬以迴轉山礫

礫其相軋樹蒼蒼其相摻兩浪浪其不止雲浩

浩其常浮其字並知來者之不可以一作數哀去此

以無由倚郭郭而掩涕空盡日以遲留

元和聖德詩 并序

臣愈頓首再拜言曰臣伏見皇帝陛下即位已

來誅流姦臣朝廷清明無有欺蔽外斬楊惠琳

劉闢以收夏蜀東定青徐積年之叛海內怖駭

不敢違越郊天告廟神靈歡喜風雨明晦無不

從順太平之期適當今日臣蒙被恩澤日與羣

臣序立紫宸殿下親望穆穆之光況一作其職業

又在以經籍教導國子誠宜率先作歌詩以稱

道盛德不可以辭語淺薄不足以自效為解一作辭

輒依古作四言元和聖德詩一篇凡千有二十

四字指事實錄具載明天子文武神聖以驚一作驚

動百姓耳目傳示無極其詩曰

皇帝即祚物無違拒曰暘而暘曰雨而雨維是

元年有盜在夏欲覆其州以踵近其武皇帝曰
嘻豈不在我負鄙為艱縱則不可出師征之其
眾十旅軍其城下告以福禍腹敗枝披不敢保
聚擲首陴外降幡夜豎疆外之險莫過蜀土韋
臯去鎮劉闢守後血人一作于牙不肯吐口開庫
啗士曰隨所取汝張汝弓汝伐一作汝鼓汝為表
書求我帥汝事始上聞在列感怒皇帝曰然嗟
遠士女苟附而安則且付與讀命於庭出節少
府朝發京師夕至其部闢喜謂黨汝振而伍蜀
可全有此不當受萬牛鬻萬甕行酒以錦纏

股以紅帕音首有恆其兇有餌其誘其出穰穰
隊以萬數遂劫東川遂據城阻皇帝曰嗟其又
可許爰命崇文分卒禁禦有安其驅無暴我野
日行三十徐辟其右闢黨聚謀鹿頭是守崇文
奉詔進退規一作矩戰不貪殺擒不濫數四方節
度整兵頓馬上章乞討俟命起坐皇帝曰嘉一作嘻
無汝煩苦荆并洎梁在國門戶出師三千各選
爾醜四軍齊作殷其一作其如阜或拔一作其角
或脫其距長驅洋洋無有齟齬八月壬午闢棄
城走載妻與妾包裹稚乳是日崇文入處其宇

分散逐捕搜原剔藪闢窮見窘無地自處俯視
大江不見洲渚遂自顛倒若杵投曰取之江中
枷脰械手婦女纍纍啼哭拜叩來獻闕下以告
廟社周示城市咸使觀覩解脫孽索夾以砧斧
婉婉弱子赤立傴僂牽頭曳足先斷膏膂次及
其徒體骸撐拄末乃取闕駭汗如雨一作寫揮刀紛
紜爭切一作刊膾脯優賞將吏扶珪綴組帛堆其家
粟塞其一作倉庾哀憐陣歿廩給孤寡贈官封墓周
而宏溥經戰伐地寬免租簿施令酬功急疾如
火天地中間莫不順序魏幽恒青東盡海浦南

至徐蔡區外雜虜烜威赫

越德恒威服

德踧蹈舞掉

棄兵革私習簋簠來請來覲十百其耦

越作數

皇帝

曰吁伯父叔舅各安爾位訓厥眡晦正月元日

初見宗祖躬執百禮登降拜俯薦饗新

一作于闕

宮

視瞻梁栢感見容色淚落入俎侍祠之臣助我

惻楚乃以上辛於郊用牡除于國南鱗筍毛簏

廬幕周施開揭磊砢獸盾騰拏圓壇帖妥天兵

四羅旗常婀娜駕龍十二魚魚雅雅宵昇于丘

奠璧獻粢衆樂驚作轟厖融冶柴燄嘘呵高靈

下墮羣星從坐錯落侈哆日君月妃煥赫嫋嫋

一作委

一作挾

一作無耗

一作富育
貧寒

諾果反

瀆鬼濛鴻嶽祗蝶峨

一作沃

羶燎薌

一云沃羶薌

產祥

降嘏鳳皇應奏舒翼自拊赤鱗黃龍透

一作類

陀結

糾卿士庶人黃童白叟踊躍歎呀失喜噎嘔乾

清坤夷境落塞舉帝車迴來日正當午幸丹鳳

門大赦天下滌濯剗一作刺磳磨滅瑕垢續功臣嗣

拔賢任耆孩養無告仁滂施厚皇帝神聖通達

先一作今古聽聰視明一云通今達古視聽聰明一似堯禹生知法式

動得理所天錫皇帝為天下主并包畜養無異

細鉅億載萬年敢有違者皇帝儉勤盥濯陶瓦

斥遣浮華好此綈紵勅戒四方侈則有咎天錫

皇帝多麥與黍無召水旱耗于雀鼠億載萬年

有富無窶皇帝正直別白善否擅命而狂既翦

既去盡逐羣姦靡有遺侶天錫皇帝庀臣碩輔

博問遐觀以置左右億載萬年無敢余一作有侮皇

帝大孝慈祥悌友怡怡愉愉奉太皇后浹于族

親濡及九有一作左右天錫皇帝與天齊壽登茲太平

無迨永久億載萬年為父為母博士臣愈職是

訓詁作為歌詩以配吉甫

琴操十首

并序

將歸操孔子之趙聞殺鳴犢作

不遇其時慮人

一本秋水秋分一作秋之水兮忍誤

之忌害我者故將歸也

秋一作秋之水兮其色幽幽我將濟兮不得其由涉其

淺兮石嚙我足乘其深兮龍入我舟我濟而悔

兮將安歸尤歸乎歸乎無與石鬪兮無應龍求

猗蘭操孔子傷不逢時作蘭薺麥自喻我不用於我何傷

平霜雪買買之時薺麥乃茂喻已居亂薄之世自修古人之道

蘭之猗猗揚揚其香不採而佩於蘭何傷今天

之旋其曷為然我行四方以日以年雪霜買買

薺麥之茂子如不傷我不爾覲薺麥之茂薺麥

之有君子之傷君子之守

一作藥

龜山操孔子以季桓子受齊女樂諫

不從一有退字望龜山而作位之尊非其人嗟予莫之依也

龜之氣兮不能雲一作為雨龜之枿兮不中梁柱龜

之大兮祗以奄魯知將隳兮哀莫余伍周公有

思兮嗟余歸輔今本云周公有思兮兮嗟余歸輔恐非

越裳操周公作兩施物孳賢人道施則國治其末患時之荒淫者眾君不能艱

勤致越裳之臣

雨之施物以孳我何意於彼為自周之先其艱

其勤以有疆宇私我後人我祖在上四方在下

厥臨孔威敢戲以侮孰荒于門孰治于田四海

一作方

既均越裳是臣

拘幽操文王

一有拘字

美里作

退之罹患操者自堅其心也

目揜揜兮其凝其盲耳肅肅兮聽不聞聲朝不日出兮夜不見月與星有知無知兮為死為生嗚呼臣罪當誅兮天王聖明

岐山操周公為太王作

追古幽公之績患時黷武也

我家于豳自我先公伊我承緒敢有不同今狄之人將土我疆民為我戰誰使死傷彼岐有岨我往獨處人莫一作莫爾余追無思我悲

履霜操尹吉甫子

一有伯奇字

無罪為後母

譖而見逐自傷作

追帝舜之事明怨其身之不父母憐也言人之不得

於父母者當益親也

父兮兒寒母兮兒飢兒罪當咎逐兒何為兒在中野以宿以處四無人聲誰與兒語兒寒何衣兒飢何食兒行于野履霜以足母生衆兒有母憐之獨無母憐兒寧不悲

雉朝飛操牧犢子七十無妻見雉雙

飛感之而作

鯀言昏姻失時也

雉之飛于朝日羣雌孤雄意氣橫出當東而西當啄而飛隨飛隨啄羣雌粥粥嗟我雖人曾不

如彼雉雞生身七十年無一妾與妃

別鵠操商陵穆子娶妻五年無子父

母欲其改娶其妻聞之中夜悲嘯穆

子感之而作商陵操言人情義澆薄也

雄鵠銜枝來雌鵠啄泥歸巢成不生子大義當

乖離江漢水之大鵠身鳥之微更無相逢日

一作可相隨飛

殘形操曾一作魯子夢見一狸不見其首

作狸身明而頭不知言不祥也當得智者識之

有獸維狸兮我夢得之其身孔明兮而頭不知

吉凶何為兮覺坐而思巫咸上天兮識者其誰

南山詩

吾聞京城南茲維羣山圍東西兩際海巨細難

悉究山經及地志茫昧非受授團辭試提挈挂

一念萬漏欲休諒不能粗敘所經觀常昇崇丘

望戢戢見相湊晴明出稜角縷脉碎分繡蒸嵐

相瀕洞表裏忽通透無風自飄歟融液煦柔茂

橫雲時平凝點點露數岫天宇一作空浮修眉濃綠

畫新就孤撐有巉絕海浴騫鵬嚼春陽潛沮如

濯濯深吐秀巖巒雖律萃輒弱類含耐夏炎百

一作吐深秀

俗本
作黑
巨作

坤作

一作
蹂
一本作
杜野非

木盛蔭鬱增埋覆神靈日歔歔雲氣爭結構秋
霜喜刻轢一作轢非卓立癯瘦參差相疊重剛耿陵
宇宙冬行雖幽墨冰雪工琢鏤新曦照危峨億
丈恒高表明昏無停態頃刻異狀俟西南雄太
白突起莫間筵藩都配德運分宅占丁戊逍遙
越地位詆訐訐陷乾竇空虛寒兢兢風氣較搜漱
朱維方燒燒日陰霰縱騰糅昆明大池北去覲偶
晴晝縣聯窮俯視倒側困清漚微瀾動水面踊
躍躁猱狖驚呼惜破碎仰喜呀不仆前尋經杜
聖盆蔽畢原陋崎嶇上軒昂始得觀覽富行行

將遂窮嶺陸煩互走

音奏

勃然思圻裂擁掩難恕宥

巨靈與夸娥遠賈期必售還疑造物意固護蓄

精祐力雖能排幹雷電怯呵詬攀緣脫手足蹭

蹬抵積甃茫如試矯首埒塞生恟愁威容喪蕭

爽近新迷遠舊拘官計日月欲進不可又因緣

窺其湫凝湛閔陰獸

獸

一作

魚蝦可俯掇神物安敢

寇林柯有脫葉欲墮鳥驚救爭銜彎環飛投棄

急哺穀旋歸道迴睨遠枿壯復奏吁嗟信竒怪

峙質能化質前年遭譴謫探歷得邂逅初從藍

田入顧眄勞頸脰時天晦大雪淚目苦矇矓峻

一作
達

亦作
畜

蜀本
作爛

韓本
作斂

途拖長冰直上若懸溜褰衣步推馬顛蹶退且
 復蒼黃忘遐晷所矚纔左右杉篁咤蒲蘇杲耀
 攢介胄專心憶平道脫險逾避臭昨來逢清霽
 宿願忻所一作始副崢嶸躋冢頂倏閃雜颯馳前低
 劃開闊爛漫堆衆皴或連若相從或蹙若相鬪
 或妥若弭伏或竦若驚雉或散若互解或赴若
 輻一作輪輳或翩一作泛若船遊或決若馬驟或背若
 相惡或向若相佑或亂若抽筍或嶮若注灸或
 錯若繪畫或繚若篆籀或羅若星離或蒼若雲
 逗或浮若波濤或碎若鋤耨或如賁育倫賭勝

一本作
甄極
一作
偃

一本作
燭煙

勇前購先強勢已出後鈍嗔誼譎上關下釋或如帝
 王尊叢集朝賤幼雖親不褻狎雖遠不悖謬或
 如臨食案肴核紛釘餽又如遊九原墳墓包擲
 柩或纍若盆甕或揭若登豆或覆若曝鼈或頽
 若寢獸或蜿若藏龍或翼若搏鷲或齊若友朋
 或戾若仇讎或密若婚媾或儼若峨冠或翻若
 舞袖或屹若戰陣或圍若蒐狩或靡然東注或
 偃然北首或如火熺煙或若氣饋餽或行而不
 輟或遺而不收或斜而不倚或弛而不殼或赤

一作隨或隨

一作差

若先後或迸若流落或顧若宿留

一作

一作
倪仰

若禿鬪容八反或燠若柴槲或如龜拆兆或若卦分
 繇或前橫若剥或後斷若姤延延離又屬史史
 叛還溝喁喁魚闖萍落落月經宿閭閭樹牆垣
 巘巘架庫廩參參初金反削劔戟煥煥銜瑩瑋敷敷
 花披萼闐闐屋摧雷悠悠舒而安兀兀狂以狃
 超超出猶奔蠢蠢駭不懋大哉立天地經紀肖
 營腴厥初孰開張僂俛誰勸侑創茲朴而巧戮
 力忍勞疾得非施斧斤無乃假詛呪鴻荒竟無
 傳功大莫一作莫豈酬儔嘗聞於祠官芬苾降歆饗
 斐然作歌詩惟用贊報酬

謝自然詩

果州南充縣寒女謝自然童駿無所識但聞有
 神仙輕生學其術乃在金泉山繁華榮慕絕父
 母慈愛捐凝心感魑魅恍惚難具言一朝坐空
 室雲霧生其間如聆笙竽韻來自冥冥天白日
 變幽晦蕭蕭風景寒簷楹氣明滅五色光屬聯
 觀者徒傾駭躑躅詎敢前須臾自輕舉飄若風
 中煙茫茫八紘大影響無由緣里胥上其事郡
 守驚且觀一作觀驅車領官吏眊俗爭相先入門無
 所見冠履同蛻蟬皆云神仙事灼灼信可傳余

聞古夏后象物知神姦山林人可入魍魎莫逢
旃逶迤不復振後世恣欺謾幽明紛雜亂人鬼
更相殘秦皇雖篤好漢武洪其源自從二主來
此禍竟連連木石生怪變狐狸騁妖患莫能保
性命安得更長延人生處萬類知識最爲賢奈
何不自信反欲從物遷往者不可悔孤魂抱深
冤來者猶可誠余言豈虛文人生有常理男女
各有倫寒衣及飢食在紡一作蠶績耕耘下以保子
孫上以奉君親苟異於此道皆爲棄其身噫乎
彼寒女永託異物羣感傷遂成詠昧者宜書紳

秋懷詩十一首

窻前兩好樹衆葉光蕤蕤秋風一披拂策策鳴
不已微燈照空牀夜半偏入耳愁憂無端來感
歎成坐起天明視顏色與故不相似羲和驅日
月疾急不可恃浮生雖一作每多途趨死惟一軌胡
爲浪自苦得酒且歡喜

白露下百草蕭蘭共憔悴青青四牆下已復生
滿地寒蟬暫寂寞蟋蟀鳴自恣運行無窮期稟
受氣苦異適時各得所松柏不必貴

彼時何卒卒我志何曼曼犀首空好飲廉頗尚

誰勸一作

注又作

能飯學堂日無事驅馬適所願茫茫出門路欲
去聊自歎歸還閱書史一作簡書文字浩千萬塵跡竟
難尋賤嗜非貴獻丈夫意有在女子乃多怨
秋氣日惻惻秋空日淩淩上無枝上蜩下無盤
中蠅豈不感時節耳目無所增清曉卷書坐南
山見高稜其下澄秋水有蛟寒可罾惜哉不得
往豈謂吾無能

離離掛空悲感感抱虛警露啼一作滴秋樹高蟲弔
寒夜永斂退就新懦趨營悼前猛歸愚識夷途
汲古得修綆名浮猶有恥味薄真自幸庶幾遺

悔尤即此是幽屏

今晨不成起端坐盡日景蟲鳴室幽幽月吐窻

囧囧喪懷若一作苦迷方浮念劇含梗塵埃慵伺俟

文字浪馳騁尚須勉其頑王事有朝請

秋夜不可晨秋日苦易暗我無汲汲志何以有

此憾寒雞空在棲缺月煩屢瞰有琴具徽絃再

鼓聽愈淡古聲久埋滅無由見真濫低心逐時

趨苦勉祇能暫有如乘風船一縱不可纜不如

覩文字丹鉛事點勘豈必求羸餘所要石與甌

卷卷落地葉隨風走前軒鳴聲若有意顛倒相

追奔空堂黃昏暮我坐默不言童子自外至吹
燈當我前問我我不應饋我我不餐退坐西壁
下讀詩一作書盡數編作者非今士相去時已千其
言有感觸使我復悽酸顧謂汝童子置書且安
眠丈夫屬有念事業無窮年

霜風侵梧桐眾葉著樹乾空階一片下瑩若摧
琅玕謂是夜氣滅望舒賈其團青冥無依倚飛
轍危難安驚起出戶視倚楹久沈瀾憂愁費晷
景日月如跳丸迷復不計遠為君駐塵鞍
暮暗來客去羣囂各收聲悠悠偃宵寂疊疊抱

秋明世累忽進慮外憂遂侵誠強懷張不滿弱
念缺易一作已盈詰屈避語寤冥茫觸心兵敗虞干
金棄得比寸草榮知恥足為勇晏然誰汝令
鮮鮮霜中菊既晚何用好揚揚一作陽弄芳蝶爾生
還不早運窮兩值遇婉孌死相保西風螫龍蛇
眾木日凋槁由來命分爾泯滅豈足道

赴江陵途中寄翰林三學士王二十補闕李十一拾遺李二

十六
頁外三學士

孤臣昔放逐泣血追愆尤汗漫不省識况如乘
桴浮或自疑上䟽上䟽豈其由是年京師旱田

畝少所收上憐民無食兵一作征賦半已休有司恤
經費未免煩徵求富者既云急貧者固已流傳
聞閭里間赤子棄渠溝持男易半粟掉臂莫肯
酬我時出衢路餓者何其稠親逢道死者佇立
一作久咿嘍歸舍不能食有如魚挂鉤適會除御
史誠當得言秋拜疏移閤門為忠寧自謀上陳
人疾苦無令絕其喉一作下言一作畿甸內根本理宜
優積雪驗豐熟幸寬待蠶麤天子惻然感司空
歎綢繆謂言即施設乃返遷炎洲同官盡才俊
偏善柳與劉或慮語言洩傳之落冤讎二子不

知多一

宜爾將疑斷還不中使臨門遣頃刻不得留病
姝卧牀褥分知隔明幽悲啼乞就別百請不頷
頭弱妻抱稚子出拜忘慙羞僂俛不迴顧行行
詣連州朝為青雲士暮作白首囚商山季冬月
冰凍絕行輶春風洞庭浪出沒驚孤舟逾嶺到
所任低顏奉君侯酸寒何足道隨事生瘡疣遠
地觸途一作異吏民似猿猴生獐多知忿恨辭舌紛
嘲啁白日屋簷下雙鳴鬪鷓鴣有蛇類兩首有
蟲一作羣飛游窮冬或搖扇盛夏或重裘颺起最
可畏司哮簸陵丘雷霆助光怪氣象難比侔癘

疫忽潛遘十家無一瘳猜嫌動置毒對案輒懷
愁前日遇恩赦私心喜還憂果然又羈繫不得
歸鋤耨此府雄且大騰凌盡戈矛棲棲法曹掾
何處事卑陬生平企仁義所學皆孔周早知大
理官不列三后儔何況親犴獄敲榜發姦偷懸
知失事勢一作事勢乖恐自罹置罟湘水清且急涼風
日修修胡爲首歸路旅泊尚夷猶昨者京使至
嗣皇傳冕旒赫然下明詔首罪誅共兜一作復聞
顛天輩峨冠進鴻疇班行再肅穆璜珮鳴琅璆
佇繼貞觀烈邊封脫兜鍪三賢推侍從卓犖傾

枚鄒高議參造化清文煥皇猷協心輔齊聖致
理同毛輜小雅詠鳴鹿食苹貴呦呦遺風邈不
嗣豈憶常同裯去作儔非矢志早衰換前期擬蜉蝣自
從齒牙缺始慕舌爲柔因疾鼻又塞漸能等薰
蕕深思罷官去畢命依松楸空懷焉能果但見
歲已邁殷湯閔禽獸解網祝蛛蝥雷煥掘寶劍
冤氣銷斗牛茲道誠可尚誰能借前籌殷勤謝
友朋明月非暗投

暮行河堤上

暮行河堤上四顧不見人衰草際黃雲感歎愁

我神夜歸孤舟卧展轉空及晨謀計竟何就嗟
嗟世與身

夜歌

靜夜有清光閑堂仍獨息念身幸無恨志氣方
自得樂哉何所憂所憂非我力

重雲一首李觀疾贈之

天行失其度陰氣來干陽重雲閉白日夜炎燠成

寒涼小人但咨怨君子惟憂傷飲食爲減少身
體豈寧康此志誠足貴懼非職所當藜藿尚如
此肉食安可嘗窮冬百草死幽桂乃芬芳且況

或作閉
日夜非

一作
減

天地間大運自有常勸君善飲食鸞鳳本高翔

江漢一首荅孟郊

江漢雖云廣乘舟渡無艱流沙信難行馬足常
往還淒風結衝波狐裘能禦寒終宵處幽室華
燭光爛爛苟能行忠信可以居夷蠻嗟余與夫
子此義每所敦何爲復見贈繾綣在不諼

長安交遊者一首贈孟郊

長安交遊者貧富各有徒親朋相遇時亦各有
以娛陋室有文史高門有笙竽何能辨榮悴且
欲分賢愚

岐山下二首

一作二首自丹穴五色羽以下為別篇

誰謂我有耳不聞鳳皇鳴
竭來岐山下日暮邊
鴻驚丹穴五色羽其名為鳳皇
昔周有盛德此鳥鳴高岡
和聲隨祥風窈窕一作窈窕
相飄揚聞者亦何事
但知時俗康自從姬旦死
千載悶其光吾君亦勤理
遲爾一來翔

昌黎先生詩集卷第一

六月十三日校宋本訖



昌黎先生詩集卷第二

門人李

漢

編

北極一首贈李觀

北極有羈羽南溟有沈鱗
川源浩浩隔影響兩無因
風雲一朝會變化成一身
誰言道理一作且遠感激疾如神
我年二十五求友昧其人
哀歌西京市乃與夫子親
所向苟同趨賢愚豈異倫
方為金石姿萬世無緇磷
無為女兒態憔悴悲賤貧

此日足可惜一首贈張籍

此日足可惜此酒不可嘗
捨酒去一作須相語共分

古或
作固

一作
來

一日光念昔未知子孟君自南方自矜有所得
 言子有文章我名屬相府欲往不得驤一作思之
 不可見百端在中腸維時月鬼死冬日朝在房
 驅馳公事退聞子適及牆一作隍命車載之至引
 坐於中堂開懷聽其說往往副所望孔丘歿已
 遠仁義路久荒紛紛百家起詭怪相披猖長老
 守所聞後生習為常少知誠難得純粹古已亡
 譬彼植園木有根易為長留之不遣去館置城
 西旁歲時未云幾浩浩觀湖湘一作江眾夫指之笑
 謂我知不明兒童畏雷電魚鼈驚夜光州家舉

進士選試繆所當馳辭對我策章句何煒煌一作煌
 相公朝服立工席歌鹿鳴禮終樂亦闕相拜送
 於庭之子去須臾赫赫流盛名竊喜復一作憐竊
 歎諒知有所成人事安可恒奄忽令我傷聞子
 高第日正從相公喪哀情逢吉語愀怳難為一作美難
 雙暮宿偃師西展轉在空牀夜聞汴州亂遶壁
 行徬徨我時留一作棄妻子倉卒不及將相見不復
 期零落甘所丁驕女未絕乳念之不能忘忽如
 在我前一作所耳若聞啼聲中途安得返一日
 不可更俄有東來說我家免罹殃乘船下汴水

東去趨彭城從喪朝至洛一云至洛陽還走不及停假

道經盟津出入行澗岡日西入軍門羸馬顛且

僵主人願少留延入陳壺觴卑賤不敢辭忽忽

心如狂飲食豈知味絲竹徒轟轟平明脫身去

決若驚鳥鳧翔黃昏次汜水欲濟一作過無舟航號呼

久乃至夜濟十里黃中流上沙灘一作潭沙水不可

詳驚波暗合杳星宿爭翻芒馬乏復一作悲鳴一作

馬躑躅悲鳴左右泣僕童甲午憇時門臨泉窺鬪

龍東南出陳許陂澤平一作何茫茫道邊草木花

紅紫相低昂百里不逢人角角雉雉鳴行行二

一作雄

月暮乃及徐南疆下馬步堤岸上船拜吾兄誰

云經艱一作險難百口無天殤一作殤僕射南陽公宅我

睢水陽篋中有餘衣盎中有餘糧閉門讀書史

清風窻戶涼一作窻戶清風涼一作忽已涼日念子來遊子豈

知我情別離未為久辛苦多所經對食每不飽

共言無倦聽連延三十日晨坐達五更我友一作有

二三子宦遊在西京東野窺禹穴李翱觀濤江

蕭條千萬里會合安可逢淮之水舒舒楚山直

叢叢子又捨我去我懷焉一作安所窮男兒不再壯

百歲如風狂高爵尚可求無為守一鄉

幽懷

幽懷不可寫行此春江潯適與佳節會士女競
光陰凝粧耀洲渚繁吹蕩人心閒關林中鳥知
時為和音一云亦知和為音豈無一罇酒自酌還自吟但悲
時易失四序迭相侵我歌君子行視古猶視今

君子法天運

君子法天運四時可一作每前知小人惟所遇寒暑
不可期利害有常勢取捨無定姿焉能使我心
皎皎遠憂疑

落葉送陳羽

落葉不更息斷蓬無復歸飄飄終自異邂逅暫
相依悄悄深夜語悠悠寒月輝誰云少年別流
淚各霑衣

歸彭城

天下兵又動太平竟何時訐謨者誰子無乃失
所宜前年關中旱閭井多死饑去歲東洛一作非水
生民為流屍上天不虛應禍福各有隨我欲進
短策無由至丹墀剝肝以為紙瀝血以書辭上
言陳堯舜下言引龍夔言詞多感激文字少萎
蕤一讀已自怪再尋良自疑食芹雖云美獻御

或作亦知為和
或作為和

飄作

或作

固已癡緘封在骨髓耿耿空自竒昨者到京城
屢陪高車馳周行多俊異議論無瑕疵見待頗
異禮未能去毛皮到口不敢吐徐徐俟其巖歸
來戎馬間驚顧似羈雌連日或不語終朝見相
一作我欺乘間輒騎馬茫茫詣空陂遇酒即酩酊君
知我為誰

醉客一作後

煌煌東方星奈此眾客醉初喧或忿一作紛爭中靜
惟嘲戲淋漓一作淋漓身上衣顛倒筆下字人生
如此少酒賤且勤置

醉贈張祕書

人皆勸我酒我若耳不聞今日到君家呼酒持
勸君為此座上客一作士及余各能文君詩多態度
藹藹春空雲東野動驚俗天葩吐竒芬張籍學
古淡軒昂避雞羣阿買不識字頗知書八分詩
成使之寫亦足張吾軍所以欲得酒為文俟其
醺酒味既冷冽酒氣又氤氳性情漸浩浩諧笑
方云云此誠得酒意餘外徒續紛長安眾富兒
盤饌羅羶葷不解文字飲惟能醉紅裙雖得一
餉樂有如聚飛蚊今我及數子固無藉與薰險

語破鬼膽高詞媿一作動皇墳至寶不雕琢神功謝
鋤耜方今向泰平元凱承華勛吾徒幸無事庶
以窮朝曛

同冠峽

南方二月半春物亦已少維舟山水間晨坐聽
百鳥宿雲尚含姿朝日忽升曉羈旅感陽和囚
拘念輕矯潺湲浹久迸詰曲思增繞行矣且無
然蓋棺事乃了

送惠師

惠師浮屠者乃是不羈人十五愛山水超然謝

朋親

一作同
隱淪

脫冠翦頭髮飛

一作孤

步遺蹤塵發跡入

四明梯空上秋旻遂登天台望衆壑皆嶙峋夜
宿最高頂舉頭看星辰光芒相照燭南北爭羅
陳茲地絕翔走自然嚴且神微風吹木石澎湃
聞韶鈞夜半起下視溟波銜日輪魚龍驚踊躍
叫嘯一作笑成悲辛怪氣或紫赤敲磨共輪囷金鷄
既騰翥六合俄清新常聞禹穴竒東去窺甌閩
越俗不好古流傳失其真幽蹤邈難得聖路嗟
長堙迴臨浙江濤屹起高峨岷壯志死不息千
年如隔晨是非竟何有棄去非吾倫凌江詣廬

春一作

為一作

岳浩蕩極遊巡崔萃沒雲表陂陀浸湖淪是時
 雨初霽懸瀑垂天一作天紳前年往羅浮步夏南海
 滑大哉陽德盛榮茂恒留春鵬騫墮長翻鯨戲
 側修鱗自來連州寺曾未造城闈日攜青雲客
 探勝窮崖濱太守邀不往一作得羣官請徒頻一云其志信不
 羣囊無一金資翻為富者貧昨日忽不見我令
 訪其鄰奔波一作走自追及把手問所因顧我却興
 歎君寧異於民離合自古然辭別安足珍吾聞
 九疑好夙志今欲伸斑竹啼舜婦清湘沈楚臣
 衡山與洞庭此固道所循尋崧方抵洛歷華遂

之秦浮游靡定處偶往即通津吾言子當去子
 道非吾遵江魚不池活野鳥一作鶩難籠馴吾非西
 方教憐子狂且醇吾嫉情遊者憐子愚且諄去
 矣各異趣何為浪一作淚霑巾

送靈師

開忠二州牧韋處厚白居易也

佛法入中國爾來六百年齊民逃賦役高士著
 幽禪官吏不之制紛紜聽其然耕桑日失隸朝
 署時遺賢靈師皇甫姓肩胷本蟬聯少小涉書
 史早能綴文篇中間不得意失跡成延遷逸志
 不拘教軒騰斷牽孿圍碁鬪白黑生死隨機權

一作詩

一作餘

非作海
一作還

一作

一作二十人
一作三人

六博在一擲梟盧叱迴旋爭一作文戰誰與敵浩汗
 橫戈鋌飲酒盡一作逾百觥嘲諧思愈鮮有時醉花
 月清唱高一作高唱清且繚四座咸寂默杳如奏湘絃
 尋勝不憚險黔江屢洄沔瞿塘五六月驚電讓
 歸船怒水忽中裂千得墮幽泉環迴勢益急仰
 見團團天投身豈得計性命甘徒捐浪沫感翻
 涌漂浮再生全同行三十人魂骨俱坑填靈師
 不掛懷冒涉道轉延開忠二州牧詩賦時一作時多
 傳失職不把筆珠璣為君編強留費日月密席
 羅嬋娟昨者至林邑使君數一作數開筵逐客三
數為

四公盈懷贈蘭荃湘

一作湖

游泛漭沆溪宴駐潺湲

別語不許出行裾動遭牽鄰州競招請書札何

翩翩十月下桂嶺乘寒恣窺緣落落王負外爭

迎獲其先自從入賓館占恹久能專吾徒頗攜

一作或

被

接宿窮歡妍聽說兩京事分明皆眼前

縱橫雜謠俗瑣屑咸羅穿材調真可惜朱丹在

磨研方將斂之道且欲冠其顛韶陽李太守高

步陵雲煙得客輒忘食開囊乞繒一作繒錢手持南

曹敘字重青瑤鐫古氣參豕繫一作象高標摧太玄

維舟事干謁披讀頭風痊還如一作頗似舊相識傾壺

頭一作或
被一作之

暢幽憤以此復留滯歸驂幾時鞭

縣齋有懷

少小尚竒偉平生足悲吒猶嫌子夏儒肯學樊
遲稼事業窺稷禹文章蔑曹謝濯纓起江湖綴
珮雜蘭麝悠悠指長道去去策高駕誰爲傾國
媒自許連城價初隨計吏貢屢入澤宮射雖免
十上勞何能一作曾一戰霸人情忌殊異世路重一作多
權詐蹉跎顏遂低摧折氣愈下治長信非罪侯
生或遭罵懷書出皇都銜淚渡清灞身將老寂
寞志欲死閑暇朝食不盈腸冬衣纔掩骼軍書

旣頻召戎馬乃連跨大梁從相公彭城赴僕射

弓箭圍狐兔絲竹羅酒角兩府變炎一作荒涼三年

就休假求官來東洛犯雪過一作經西華塵埃紫陌

春風雨靈臺夜名聲荷朋友援引乏姻婭雖一作仰

陪彤庭臣詎縱青冥靴寒空聳危闕曉色曜修

架捐軀辰在丁鍛翻時方措投荒誠職分領邑

幸寬赦湖波翻日車嶺石圻天罅毒霧恒熏晝

炎風每燒夏雷威固已加颺一作颺勢仍相借氣象

杳難測聲音吁可怕夷言聽未慣越俗循猶乍

指摘兩憎嫌睚眦互猜訝祗緣恩未報豈謂生

足藉嗣皇新繼明
率土日流化惟思
滌瑕垢長去事桑
柘劓嵩開雲扃壓
潁抗風榭禾麥種
滿地梨棗栽繞舍
兒童稍長成雀鼠
得驅嚇官租日輸
納村酒時邀迓閑
愛老農愚歸弄小
女姪如今便可爾
何用畢婚嫁

題合江亭寄刺史鄒君

紅亭枕湘江蒸水
會其左瞰臨眇空
闊綠淨不可唾維
昔經營初邦君實
王佐故相齊映所作剪林遷神
祠買地費一作賈家貨梁棟橫一作橫可愛結構麗匪過
伊人去軒騰茲宇
遂頽挫老郎來何
暮高唱久

一作洪亭

乃和

宇文郎中炫又增其制

樹蘭盈九畹栽竹逾萬箇長綆汲

澹浪幽蹊下坎坳波濤夜俯聽雲樹朝對卧初

如遺宦情終乃最郡課人生誠無幾事往悲豈

那蕭條縣歲時契闊繼庸懦一作瑣非勝事誰復論醜

聲日已播中丞黜凶邪天子閔窮餓君侯至之

初閭里自相賀

前刺史元澄無政廉使楊公中丞奏黜之朝廷遂用鄒君

淹滯樂閑曠

勤苦勸慵惰為余埽塵堦命樂醉眾座窮秋感

平分新月憐半破願書巖上石勿使塵泥浣

陪杜侍御遊湘西寺獨宿有題因獻楊

常侍

一作因獻楊侍御

廊一作非

風一作

長沙千里平勝地猶在險況當江闊處斗起勢
 匪漸深林高玲瓏青山上琬琰路窮臺殿闢佛
 事煥且儼剖竹走泉源開廓架崖广是時秋初
 殘暑氣尚未斂羣行忘後先困息棄拘檢客
 堂喜空涼華榻有清簟澗蔬煮蒿芹水果剥菱
 芡伊余夙所慕陪賞亦云忝幸逢車馬歸獨宿
 門不掩山樓黑無月漁火燦星點夜風一何喧
 杉檜屢磨颭猶疑在波濤怵惕夢一作幾成魘靜思
 屈原沈遠憶賈誼貶椒蘭爭妬忌絳灌共讒諂
 誰令一作念悲生腸坐使淚盈臉翻飛乏羽翼指摘

困瑕玷珥貂藩維重政化類分陝禮賢道何優
 奉已事苦儉大厦棟方隆巨川楫行一作初剡經營
 誠少暇遊宴固已歉旅程愧淹留徂歲嗟荏苒
 平生每多感柔翰遇頻染展轉嶺猿鳴曙燈青

睽睽一作燄燄

岳陽樓別竇司直

洞庭九州間厥大誰與讓南維羣崖水北注何
 奔放瀦為七百里吞納各殊狀自古澄不清環
 混無歸向炎風日搜攪幽怪多冗長軒然大波
 起宇宙隘而妨巍峨拔一作狀嵩華騰躍較健壯聲

蹕一作

前好趣有獲新尚誓耕十畝田不取萬乘相細
君知蠶織稚子已能餉行當掛其冠生死君一
訪

送文暢師北遊

昔在四門館晨有僧來謁自言本吳人少小學
城闕已窮佛根源粗識事輒軌攀拘屈吾身戒
轄思遠發薦紳秉筆徒聲譽耀前閥從來送行
一作行詩屢造忍顛蹶今成十餘卷浩汗羅斧鉞
先生悶窮巷未得窺一作劓又聞識大道何路
補剝削出其囊中文滿聽實清越謂僧當少安

宋本此下附寶庫劉禹錫和詩
二音

草序頗排訐上論古之初所以施賞罰下開迷
惑曾宰豁斲株槩僧時不聽瑩若飲水救渴風
塵一出門時日多如髮三年竄荒嶺守縣坐深
樾徵租聚異物詭制一作恒巾鞅幽窮共一作誰語
思想甚含噦昨來得京官照壁喜見蝎況逢舊
相識一作無不比鷄蟹長安多門戶弔慶少休歇
而能勤來過重惠安可揭當今聖政初恩澤寬
穢狘胡為不自暇飄戾逐鷗鷺僕射領北門威
德壓胡羯相公鎮幽都竹帛爛勲伐酒場舞閨
姝獵騎圍邊月開張篋中寶自可得津筏從茲

富裘馬寧復茹藜蕨余期報恩後謝病老耕墾
庇身指蓬茅逞志縱獫狝僧還相訪來山藥煮
可掘

荅張徹

辱贈不知報我歌爾其聆首敘始識面次言後
分形道路縣萬里日月垂十齡浚郊避兵亂睢
岸連門庭肝膽一古劍波濤兩浮萍漬墨竄舊
史磨丹注前經義苑手祕寶文堂耳驚霆暄晨
躡露舄暑夕眠風櫺結友子讓抗請師我慙丁
初味猶馭蔗遂通斯建瓴搜竒日有富嗜善心

一作

無寧石梁平佺佺沙水光泠泠乘枯摘野豔沈
細抽潛腥遊寺去陟一作登巘尋徑一作幽反穿汀綠雲
竹竦竦失路麻冥冥淫潦忽翻野平蕪眇開溟
防泄塹夜塞懼衝城晝扃及去事戎轡相逢宴
軍伶飀秋縱兀兀獵宴馳駟駟從賦始分手一作首
朝京忽同舫急時促暗棹戀月留虛亭畢一作異事
驅傳馬安居守窻螢梅花灞水別宮一作官燭驪山
醒省選逮投足鄉賓尚推翎塵祛又一摻淚背
還雙熒洛邑得休告華山窮絕陁倚巖睨海浪
引袖拂天星日駕此迴轄金神所司刑泉紳拖

怨一作

修白石劔攢高青磴
蘇達拳跼梯颺颺
伶俜悔狂已咋指垂誠
仍鑄銘峨豸忝備列
伏蒲愧分涇微誠慕橫
草瑣力摧撞筵疊雪走
商嶺飛波航洞庭下險
疑墮井守官類拘囚荒
餐茹獠蠱幽夢感湘靈
刺史肅著蔡吏人沸蝗
螟點綴簿上字趨蹌閣
前鈴賴其飽山水得以
娛瞻聽紫樹離斐疊碧
流滴瓏玲映波鋪遠錦
插地列長屏愁狄酸骨
死怪花醉魂馨潛苞絳
實坼幽乳一作翠毛零
赦行五百里月變三十
莫漸階羣振鷺入學誨
螟蛉莘甘謝鳴鹿壘滿
慙罄鉞罔罔

精光本作精先

抱瑚璉飛飛聯鶴鵠
魚鬣欲脫背虬精光一作照
研豈獨出醜類方當動
朝廷勤來得晤語勿憚
宿寒廳

薦士

周詩三百篇雅麗理訓
誥曾經聖人手議論安
敢到五言出漢時蘇李
首更號東都漸瀰漫派
別百川導建安能者七
卓犖變風操逶迤抵晉
宋氣象日彫耗中間數
鮑謝比近最清奧齊梁
及陳隋眾作等蟬噪搜
春摘花卉浴襲傷剽盜
國朝盛文章子昂始高
蹈勃興得李杜萬類困

健一作

陵暴後來相繼生亦各臻閭閻有窮者孟郊受
材實雄鷲冥觀洞古今象外逐幽好橫空一作縱橫盤
硬語妥帖力排界敷柔肆紆餘奮猛卷海潦榮
華肖天秀捷疾愈響報行身踐規矩甘辱恥媚
竈孟軻分邪正眸子看瞭眊杳然粹而精可以
鎮浮躁酸寒溧陽尉五十幾何老孜孜營甘旨
辛苦久所冒俗流知者誰指注競嘲傲聖皇索
遺逸髦士日登造廟堂有賢相愛遇均覆燾況
承歸與張二公迭嗟悼青冥送吹噓強箭射魯
縞胡為久無成使以歸期告霜風破隹菊嘉節

笑一作無

迫吹帽念將決焉去感物增戀嫪盧到切彼微水中
荇尚煩左右芼魯侯國至小廟鼎猶納郛幸當
擇珉玉寧有棄珪瑁悠悠我之思擾擾風中纛
上言愧無路日夜惟心禱鶴翎不天生變化在
啄菹薄報切通波非難圖尺地易可漕善善不及汲
後時徒悔懊救死具八珍無如一簞犒微詩公
勿謂愷悌神所勞

喜侯喜至贈張籍張徹

昔我在南時數君長在念搖搖不可止諷詠日
喁噉如以膏濯衣每漬垢逾染又如心中疾箴

石非所砥常思得遊處至死無一作不倦厭地遐物
竒怪水鏡涵石劔荒花窮漫亂幽獸工騰閃礙
目不忍窺忽忽坐昏墊逢神多所祝豈忘靈即
驗依依夢歸路歷歷想行店今者誠自幸所懷
無一欠孟生去雖索侯氏來還歉敬眠聽新詩
屋角月豔豔一作雜作承閒騁交一作文驚舌平澹續
紛指瑕疵拒捍阻城塹以余經摧挫固請發鉛
槩居然妄推讓見謂燕天燄比踈語徒妍悚息
不敢占呼奴具盤餐釘鮠魚菜贍人生但如此
朱紫安足僭

古風

今日曷不樂幸時不用兵無日旣感矣乃尚可
以生彼州之賦去汝不顧此州之役去我奚適
一邑之水可走而違天下湯湯曷其而歸好我
衣服甘我飲食無念百年聊樂一日

駑驥

駑駘誠齷齪市者何其稠力小苦易制價微良
易酬渴飲一斗水飢食一束芻嘶鳴當大路志
氣若有餘駑驥生絕域自矜無匹儔牽驅入市
門行者不爲留借問價幾何黃金比嵩丘借問

諸本曰作
日非是

誠作

宋本此下有歐陽詹答詩一首

一作極

行幾何咫尺視九州飢食玉山禾渴飲醴泉流
問誰能為御一作借問誰能御曠世不可求惟昔穆天子

乘之極遐遊王良執其轡造父夾其輅因言天

外事况一作荒一作茫惚使人愁駑駘謂騏驥餓死余爾

羞有能必見用有德必見收孰云時與命通塞

皆自由騏驥不敢言低徊但垂頭人皆劣騏驥

共以駑駘優喟余獨興嘆才命不同謀寄詩同

心子為我商聲謳一作高聲非

馬厭穀

馬厭穀兮士不厭糠粃土被文繡兮士無短褐

彼其得志兮不我虞一朝失志兮其何如已焉
哉嗟嗟乎鄙夫

出門

長安百萬家出門無所之豈敢尚幽獨與世實

參差古人雖已死書上有遺辭開卷讀且想千

載若相期出門各有道我道方未夷且於此中

息天命一作誠不吾欺

嗟哉董生行

淮水出桐栢山東馳遙遙千里不能休淝水出
其側不能千里百里入淮流壽州屬縣有安豐

遺或作其

唐貞元年時縣人董生召南隱居行義於其中
刺史不能薦天子不聞名聲爵祿不及門門外
惟有吏日來徵租更索錢嗟哉董生朝出耕夜
歸讀古人書盡日不得息或山而樵或水而漁
入廚具甘旨上堂問起居父母不感感妻子不
咨咨嗟哉董生孝且慈人不識惟有天翁知生
祥下瑞無時期家有狗乳出求食雞來哺其兒
啄啄庭中拾蟲蟻哺之不食鳴聲悲徬徨躑躅
久不去以翼來覆待狗歸嗟哉董生誰將與儔
時之人夫妻相虐兄弟爲讎食君之祿而令父

母愁亦獨何心嗟哉董生誰將與儔

一作將
無與儔

烽火

登高望烽火誰謂塞塵飛王城富且樂曷不事
光輝勿言日已暮相見恐行稀願君熟念此秉
燭夜中歸我歌寧自感乃獨淚霑衣

汴州亂二首

汴州城門朝不開天狗墮地聲如雷健兒爭誘
殺留後連屋累棟燒成灰諸侯咫尺不能救孤
士何者自興哀

留後陸長源也

母從子走者爲誰大夫夫人留後兒昨日乘車

一作誘

騎大馬坐者起趨乘者下廟堂不肯一作敢用于戈
嗚呼奈汝母子何

利劍

利劍光耿耿佩之使我無邪心故人念我寡一作無
徒一作儔侶持用贈我比知音我心如冰劍如雪不
能刺讒夫使我心腐劍鋒折決雲中斷開青天
噫劍與我俱變化歸黃泉

齷齷

齷齷當世士所憂在飢寒但見賤者悲不聞貴
者歎大賢事業異遠抱非俗觀報國心皎潔念

一作

一作謂

時涕洟瀾妖姬坐左右柔指發哀彈酒肴雖日
陳感激寧為歡秋陰欺白日泥潦不少乾河堤
決東郡老弱隨驚湍天意固有屬一作以誰能詰其
端願辱太守薦得充諫諍官排雲叫閭闔披腹
呈琅玕致君豈無術自進誠獨難

昌黎先生詩集卷第二

十四日校



昌黎先生詩集卷第三

門人李

漢

編

河之水二首寄子姪老成

河之水去悠悠我不如水東流我有孤姪在海
陬三年不見兮使我生憂日復日夜復夜三年
不見汝使我鬢髮未老而先化

河之水悠悠去我不如水東注我有孤姪在海
浦三年不見兮使我心苦采蕨于山緡魚于泉

一作淵我徂京師不遠而還而一作其

山石

昌黎先生詩集卷第三

門人李

漢

編

河之水二首寄子姪老成

河之水去悠悠我不如水東流我有孤姪在海
陬三年不見兮使我生憂日復日夜復夜三年
不見汝使我鬢髮未老而先化

河之水悠悠去我不如水東注我有孤姪在海
浦三年不見兮使我心苦采蕨于山緡魚于泉

一作淵我徂京師不遠而還而一作其

山石

舊作女子
去即柶字

或作
瀾

山石犖确行徑微黃昏到寺蝙蝠飛昇堂坐階
新雨^{一作}芭蕉葉大^{一作}肥僧言古壁佛畫好
以火來照所見稀鋪牀拂席置羹飯踈糲亦足
飽我飢夜深靜卧百蟲絕清月出嶺光入扉天
明獨去無道路出入高下窮煙霏山紅澗碧紛
爛漫時見松樞皆十圍當流赤足蹋澗石水聲
激激風生^{一作}吹衣人生如此自可^{一作自得}樂豈必
局束為人鞿嗟哉吾黨二三子安得至老不更
歸

天星送楊凝郎中賀正

凝字恭履時
董晉在汴

天星牢落雞喔咿僕夫起餐車載脂正當窮冬
寒未已借問君子行安之會朝元正無不至受
命上宰須及期待從近臣有虛位公今此去何
時歸^{一作歸}何時

汴泗交流贈張僕射

汴泗交流郡城角斷場干步平如削短垣三面
繚逶迤擊鼓騰騰樹赤旗新秋朝涼未見日公
早結束來何為分曹決勝約前定百馬攢蹄近
相映毬驚杖奮合且離紅牛纓紱黃金羈側身
轉臂著馬腹霹靂應手神珠馳超遙散漫兩閑

一作
築

一作
麓

宋本此本有張建封和詩音

暇揮霍紛紜爭變化發難得巧意氣麤謹聲四
合壯士呼此誠習戰非為劇豈若安坐行良圖
當今忠臣不可得公馬莫走須殺賊

忽忽

忽忽乎余未知為生之樂也願脫去而無因安
得長翮大翼如雲生我身乘風振奮出六合絕
浮塵死生哀樂兩相棄是非得失付閑人

鳴鴈

嗷嗷鳴鴈鳴且飛窮秋南去春北歸去寒就暖
識所處依天長地闊棲息稀風霜酸苦稻梁微羽

一作處

一作雄

毛摧落身不肥徘徊反顧羣侶違哀鳴欲下洲
渚非江南水闊朝一作朝雲多草長沙軟無網羅閑
飛靜集鳴相和違憂懷惠一作息性匪他凌風一舉
君謂何

龍移

天昏地黑蛟龍移雷驚電擊雄雌隨清泉百丈
化為土魚鼈枯死吁可悲

雉帶箭

原頭火燒靜兀兀野雉畏鷹出復沒將軍欲以
巧伏人盤馬彎弓惜不發地形漸窄觀者多雉

驚弓滿勁箭加衝人決起百餘尺紅翎白鏃隨
傾斜將軍仰笑軍吏賀五色離披馬前墮

條山蒼

條山蒼河水黃浪一作滄波云云去松柏在高岡

贈鄭兵曹

樽酒相逢十載前君爲壯夫我少年樽酒相逢
十載後我爲壯夫君白首我材與世不相當戢
鱗委翅無復望當今賢俊皆周行君何爲乎亦
一作獨遑遑盃行到君莫停手破除萬事無過酒

桃源圖

神仙有無何渺茫桃源之說誠荒唐流水盤迴
山百轉生綃數幅垂中堂武陵太守好事者題
封遠寄南山下南宮先生忻得之波濤入筆驅
文辭文工畫妙各臻極異境恍惚移於斯架巖
鑿谷開宮室接屋連牆千萬日羸顛劉蹶了不
聞地坼天分非所恤種桃處處惟開花川原近
遠蒸紅霞初來猶自念鄉邑歲久此地還成家
漁舟之子來何所物色相猜更問語大蛇中斷
喪前王羣馬南渡開新主聽終辭絕共淒然自
說經今六百年當時萬事皆眼見不知幾許猶

流傳爭持酒食來相饋禮數不同樽俎異月明
伴宿玉堂空骨冷魂清無夢寐夜半金雞啁哳
鳴火輪飛出客心驚人間有累不可住依然離
別難爲情船開棹進一迴顧萬里蒼蒼煙水暮
世俗寧知僞與真至今傳者武陵人

東方未明

東方未明大星沒獨有太白配殘月嗟爾殘月
勿相疑同光共影須臾期殘月暉暉太白睽睽
雞三號更五點

贈唐衢

虎有爪兮牛有角虎可搏兮牛可觸奈何君獨
抱竒材手把鋤犁餓空谷當今天子急賢良
匪函朝出開明光胡不上書自薦達坐令四海如
虞唐

貞女峽

連州陽山縣

江盤峽束春湍豪雷風戰鬪魚龍逃懸流轟轟
射水府一瀉百里翻雲濤漂船擺石萬瓦裂咫
尺性命輕於毛

一作鴻毛

贈侯喜

吾黨侯生字叔起呼我持竿釣溫水平明鞭馬

出都門盡日行行荆棘裏溫水微茫絕又流深
如車轍闊容輶蝦蟇跳過雀兒浴此縱有魚何
足求我爲侯生不能已盤針擘粒投泥滓晡時
堅坐到黃昏手倦目勞方一起暫動還休未可
期蝦行蛭渡似皆疑舉竿引線忽有得一寸纔
分鱗與鬚是日侯生與韓子良久歎息相看悲
我今行事盡如此此事正好爲吾規半世遑遑
就舉選一名始得紅顏衰人間事勢豈不見徒
自辛苦終何爲便當提攜妻與子南入箕潁無
還時叔起君今氣方銳我言至切君勿嗤君欲

一作

釣魚須遠去大魚豈肯居沮洳

古意

太華峯頭玉井蓮開花十丈藕如船冷比雪霜
甘比蜜一片入口沈痾痊我欲求之不憚遠青
壁無路難夤緣安得長梯上摘實下種七澤根
株連

八月十五夜贈張功曹

纖雲四卷天無河清風吹空月舒波沙平水息
聲影絕一盃相屬君當歌君歌聲酸辭且苦不
能聽終淚如雨洞庭連天九疑高蛟龍出沒猩

一本作五月壁
路難攀緣

鼯號十生九死到官所幽居默默如藏逃下牀

畏蛇食畏藥海氣溼一作温蟄熏一作重腥臊昨者州

前槌大鼓嗣皇繼聖登夔臯赦書一日行萬里

罪從大辟皆除死一作徙遷者追迴流者還滌瑕蕩

垢清朝班州家申名使家抑坎軻祇得移荆蠻

判司卑官不堪說未免捶楚塵埃間同時輩流

多上道天路幽險難追攀君歌且休聽我歌我

今與君豈殊科一作我歌今與君殊科一年明月今宵多人生

由命非由他有酒不飲奈明何

謁衡嶽廟遂宿嶽寺題門樓

五嶽祭秩皆一作比三公四方環鎮嵩當中火維地

荒足妖怪天假神柄專其雄噴雲泄霧藏半腹

雖有絕頂誰能窮我來正逢秋雨節陰氣晦昧

無清風潛心默禱若有應豈非一作即正直能感通

須臾靜埽衆峯出仰見突兀撐青空紫蓋連延

接天柱石廩騰擲堆祝融森然魄動下馬拜松

柏一徑趨靈宮粉牆丹柱動光彩鬼物圖畫填

青紅升堦偃僂薦脯酒欲以菲薄明其衷廟令

一作內老人識神意睢盱偵伺能鞠躬手持杯玢導

我擲云此最吉餘難同竄逐蠻荒幸不死衣食

一本作
孟教

纜一作縱足甘長終侯王將相望久絕神縱一作纜欲福
難為功夜投佛寺上高閣星月掩映雲曛隴猿
鳴鐘動不知曙杲杲寒日生於東

峒嶼山

峒嶼山尖神禹碑字青石赤形模摹竒科斗拳身
薤葉披一作技鸞飄鳳泊拏虎螭事嚴跡祕鬼莫窺
道人獨上偶見之我來咨嗟涕連沍干搜萬索
何處有森森綠樹猿猱一作啼悲

永貞行

君不見太皇諒陰未出令小人乘時偷國柄北

時作

軍百萬虎與貔天子自將非他師一朝奪印付
私黨慄慄朝士何能為狐鳴梟噪爭署置睽閔
跳踉相媿媚夜作詔書朝拜官超資越序曾無
難公然白日受賄賂火齊磊落堆金盤元臣故
老不敢語晝卧涕泣何汎瀾董賢一作公誰復
惜侯景九錫行可歎國家功高德且厚天位未
許庸夫干嗣皇卓犖信英主文如太宗武高祖
膺圖受禪登明堂共流幽州鱗死羽四門肅穆
賢俊登數君匪親豈其朋郎官清要為世稱荒
郡迫野嗟可矜湖波連天日相騰蠻俗生梗瘴

嘗作

藕蒸江氛嶺侵昏若凝一蛇兩頭見未曾怪鳥
爭鳴一作鳴喚令人憎蠱蟲羣飛夜撲燈雄虺毒螫墮
股肱食中置藥肝心崩左右使令詐難憑慎勿
浪信常兢兢吾嘗同僚情可勝具書目見非妄
徵嗟爾既往宜為懲

洞庭湖阻風贈張十一署

十月陰氣盛北風無時休蒼茫洞庭岸與子維
雙舟霧雨晦爭泄波濤怒相投雞犬斷四聽糧
絕誰與謀相去不容步險如礙山丘清談可以
飽夢想接無由男女喧左右飢啼但啾啾非懷

北歸興何用勝羈愁雲外有白日寒光自悠悠
能令暫開霽過是吾無求

李有花贈張十一署

一作李有花

江陵城西二月尾花不見桃惟見李風揉雨練
雪羞比波濤翻空杳無涖君知此處花何似白
花倒燭天夜明羣雞驚鳴官吏起金烏海底初
飛來朱輝散射青霞開迷亂入眼看不得照耀
萬樹繁如堆念昔少年著遊燕對花豈曾辭酒
盃自從流落憂感集欲去未到先思迴祇今四
十已如此後日更老誰論哉力攜一罇獨一作共就

一作迷魂
亂眼

一作曾省
魯辭

醉不忍虛擲委黃埃

杏花

居鄰北郭古寺空杏花兩株能白紅曲江滿園
 不可到看此寧避雨與風二年流竄出嶺外所
 見草木多異同冬寒不嚴地恒洩常世陽氣發亂無
 全功浮花浪蘂鎮長有纔開還落瘴霧中山榴
 躑躅少意思照耀黃紫徒為叢鷓鴣鉤輦猿叫
 歇杳靄深谷攢青楓豈如此樹一來翫若在京
 國情何窮今旦胡為忽怛悵萬片飄泊隨西東
 明年更發應更好道人莫忘鄰家翁

感春四首

我所思兮在何所情多地遐兮徧處處東西南
 北皆欲往千江隔兮萬山阻春風吹園雜花開
 朝日照屋百鳥語三盃取醉不復論一生長恨

春一作春何許

皇天平分成四時春風漫誕最可悲雜花粧林
 草蓋地白日座上傾天維蜂喧鳥咽留不得紅
 萼萬片從風吹豈如秋霜雖凜冽摧落老物誰
 惜之為此徑須沽酒飲自外天地棄不疑近鄰
 李杜無檢束爛漫長醉多文辭屈原離騷二十

一本作已久破
破又作墮
如一作

五不肯鋪啜糟與醅惜哉此子巧言語不到聖
處寧非癡幸逢堯舜明四目條理品彙皆得宜
平明出門暮歸舍酩酊馬上知為誰一作誰為

朝騎一馬出暝就一牀卧詩書漸欲拋節行久

已矣一作情冠欹感髮禿語誤悲齒墮辜負平生心

已矣知何奈

我恨一作奈我不如江頭人長網橫江遮紫鱗獨宿荒

陂射鳧鴈賣納租賦官不嗔歸來歡笑對妻子

衣食自給寧羞貧今者無端讀書史智慧祇是

勞精神畫蛇著足無處用兩鬢雪白趨埃塵乾

愁漫解坐自累與眾異趣誰相親數盃澆腸雖
暫醉皎皎萬慮醒還新百年未滿不得死且可
勤買拋青春

寒食日出遊夜歸張十一院長見示病

中憶花九篇因此投贈

李花初發君始病我往看君花轉盛走馬城西

怊悵歸不忍千株雪相映邇來又見桃與梨交

開紅白如爭競可憐物色阻攜手空展霜縑吟

九詠紛紛落盡泥與塵不共新粧比端正桐華

最晚今已繁君不強起時難更關山遠別固其

理寸步難見始知命憶昔與君同貶官夜渡洞
庭看斗柄豈料生還得一處引袖拭淚悲且慶
各言生死兩追隨直置心親無貌敬念君又署
南荒吏路指鬼門幽且曷三公盡是知音人曷
不薦賢陛下聖囊空甌倒誰救之我今一食日
還併自然憂氣損天和安得康強保天性斷鶴
兩翅鳴何哀繫驥四足氣空橫今朝寒食行野
外綠楊市岸蒲生迸宋玉庭邊不見人輕浪參
差魚動鏡自嗟孤賤足瑕疵特見放縱荷寬政
飲酒寧嫌餞底深題詩尚倚筆鋒勁明宵固欲

相就醉有月莫愁當火令

或作有月莫
辭燈火冷非是

和張十一憶昨行

憶昨夾鍾之呂初吹灰上公禮罷元侯迴車載
牲牢甕舛酒並召賓客延鄒枚腰金首翠光照
耀絲竹迴發清以哀青天白日花草麗玉罕屢
舉傾金壘張君名聲座所屬起舞先醉長松推
宿醒未解疇舊作深室靜卧聞風雷自期殞命
在春序屈指數日憐嬰孩危辭苦語感我耳淚
落不揜何漼漼念昔從君渡湘水大帆夜劃窮
高桅陽山鳥路出臨武驛馬拒地驅頻隕踐蛇

縱作

茹蠱不擇死忽有飛詔從天來
伍文未揃崖州熾雖得赦宥恒愁猜
近者三姦悉破碎羽窟無底幽黃能
眼中了了見鄉國知有歸日眉方開
今君從署天涯吏投檄北去何難哉
無妄之憂勿藥喜一善自足襍千災
頭輕目朗肌骨健古劍新劔磨塵埃
殃銷禍散百福併從此直至者一作者
與鮑嵩山東頭伊洛岸勝事不假須穿裁一作裁
君當先行我待滿沮溺可繼窮年推

昌黎先生詩集卷第三

六月十五日校訖



昌黎先生詩集卷第四

門人李

漢

編

劉生詩

生名師命其姓劉自少軒輊非常儔棄家如遺
來遠遊東走梁宋暨揚州遂凌大江極東陬洪
濤春天禹穴幽越女一笑三年留南逾橫嶺入
炎洲青鮮一作鱗高磨波山浮怪媚一作魅炫曜堆蛟虬
山獠一作參謹譟猩猩愁毒氣爍體黃膏流問胡不
歸良有由美酒傾水角肥牛妖歌慢舞爛不收
倒心迴腸為青眸千金邀顧不可酬乃獨遇之

盡綢繆管然一餉成十秋昔鬚未生今白頭五
管歷徧無賢侯迴望萬里還家羞陽山窮邑惟
猿猴手持釣竿遠相投我為羅列陳前修艾蒿
斬蓬利鋤耰天星迴環數纜周文學穰穰困倉
稠車輕御良馬力優咄哉識路行勿休往取將
相酬恩讎

鄭羣贈簞

羣字宏之嘗
佐裴均江陵

蘄州笛竹天下知鄭君所寶尤瓌竒攜來當書
不得卧一府傳看黃琉璃體堅色淨又藏節滿
一作盡眼凝滑無瑕疵法曹貧賤衆所易腰腹空大

一作

何能為自從五月困暑溼如坐深甑遭蒸炊手
磨袖拂心語口慢膚多汗真相宜日暮歸來獨
惘悵有賣直欲傾家貲誰謂故人知我意卷送
八尺含風漪呼奴埽地鋪未了光彩照耀驚童
兒青蠅側翅蚤蟲避肅肅疑有清飈吹倒身甘
寢百疾愈却願天日恒炎曦明珠清玉不足報
贈子相好無時衰

豐陵行

順宗
陵

羽衛煌煌一百里曉出都門葬天子羣臣雜沓
馳後先宮官穰穰來不已是時新秋七月初金

神按節炎氣除清風飄飄輕雨灑偃蹇旂旆卷
以舒逾梁下坂笳鼓咽帶嶸遂走玄宮虛一作哭
聲訇天百鳥噪幽坎晝閉空靈輿皇帝孝心深
且遠資送禮備無贏餘設官置衛鎖嬪妓供養
朝夕象平居臣聞神道尚清淨三代舊制存諸
書墓藏廟祭不可亂欲言非職知何如

遊青龍寺贈崔

一有羣補闕
大字

秋灰初吹季月管日出卯南暉景短友生招我
佛寺行正值萬株紅葉滿光華閃壁見神鬼赫
赫炎官張火傘然雲燒樹大寶駢金烏下啄楨

虬卵魂翻眼暈忘處所赤氣冲融無間斷有如
流傳上古時九輪照燭乾坤旱二三道士席其
間靈液屢進頗黎盃勿一作驚顏色變韶一作稚却
信靈仙非怪誕桃源迷路竟茫茫棗下悲歌徒
纂纂前年嶺隅鄉思發躑躅成山開不筭去歲
羈帆湘水明霜楓千里隨歸伴猿啼一作鼯嘯鷓
鴒啼側一作耳酸腸難濯澣思君攜手安能得今
者相從敢辭懶由來鈍駭一作寡參尋況是儒官
飽閑散惟君與我同懷抱鋤去陵谷置平坦年
少得途未要忙時清諫疏尤宜罕何人有酒身

無事誰家多竹門可欵須知節候即風寒幸及
亭午猶妍暖南山逼冬轉清瘦刻畫圭角出崖
窾當憂復被冰雪埋汲汲來窺誠遲緩

贈崔立之評事

崔侯文章苦捷敏高浪駕天輸不盡曾從關外
一作來上都隨身卷軸車連軫朝為百賦猶鬱怒
暮作千詩轉迤緊搖豪擲簡自不供頃刻青紅
浮海蜃才豪氣猛易語言往往蛟螭雜螻蚓知
音自古稱難遇世俗乍見那妨哂勿嫌法官未
登朝猶勝赤尉長趨尹時命雖乖心轉壯技能

一作

虛富家逾窘念昔塵埃兩相逢爭名齟齬持矛
楯子時專場誇觜距余始張軍嚴鞬鞞爾來但
欲保封疆莫學龐涓怯孫臏竄逐新歸厭聞鬧
齒髮早衰嗟可閔頻蒙怨句刺棄遺豈有閑官
敢推引深藏篋笥時一發戢戢已多如束筍可
憐無益費精神有似黃金擲虛牝當今聖人求
侍從拔擢杞梓收楛篳東馬嚴徐已奮飛枚臯
即召窮且忍復聞王師西討蜀霜風冽冽推朝
菌走章馳檄在得賢燕雀分拏一作惡鷹隼竊
料二塗必處一豈比恒人長蠢蠢勸君韜養待

徵招不用雕琢愁肝腎牆根菊花好沽酒錢帛
縱空衣可準暉暉簷日暖且鮮撼撼井梧踈更
殞高士例須憐麴蘖丈夫終莫生一作老畦畛能來
取醉任喧呼死後賢愚俱泯泯

送歐弘南歸

穆昔南征軍不歸蟲沙猿鶴伏以飛江洶洞庭
宿莽微九疑巉天荒是非野有象犀水貝璣分
一作散百寶人一作稀我遷于南日周圍來見者衆
莫依倚爰有歐子熒熒暉觀以彝訓或從違我
念前人譬葑菲落以斧斤引纏一作以徽雖有不逮驅

唐本
作士

一作
墨

駢駢或採于薄漁于磯服役不辱言不譏從我
荊州來京畿離其母妻絕因依嗟我不道一作能
自肥子雖勤苦終何希王都觀闕雙巍巍騰蹋
衆駿事鞍鞿佩服上色紫與緋獨子之節可嗟
唏母附書至妻寄衣開緘發封浪痕晞雖不勅

或作
款

還情庶幾朝暮盤羞惻庭闈幽房無人感伊臧
人生此難餘可祈子去吳時若發機蜃沈海底
氣昇霏彩雉野伏朝扇一作翬處子窈窕王所妃
苟有令德隱不腓況今天子鋪德威蔽能者誅
薦受機出送撫背我涕揮行行正直慎脂韋業

一作
輔

成志樹來頎頎我當為子言天扉

三星行

我生之辰月宿南斗牛奮其角箕張其口牛不見服箱斗不挹酒漿箕獨有神靈無時停簸揚無善名以聞無惡聲以攘名聲相乘除得少失有餘三星各在天什伍東西陳嗟汝牛與斗汝獨不能神

剥啄行

剥剥啄啄有客至門我不出應客去而嗔從者語我子胡為然我不厭客困于語言我嗟子誠

一作讓

一本無此四字
段是衍文

一作其口
益蕃

欲不出納以堙其源空堂幽幽有稊有莞門以

兩板叢書於間窅窅深塹其墉一作容甚完彼寧可

隨一作墮此不可干從者語我嗟子誠難子雖云爾

其益實蕃我為子謀有萬其全凡今之人急名

與官子不引去與為波瀾雖不開口雖不開關

變化咀嚼有鬼有神今去不勇其如後艱我謝

再拜汝無復云往追不及來可一作來待焉一作來

青青水中蒲

青青水中蒲下有一雙魚君今上隴去我在與誰居

青青水中蒲長在水中居寄語浮萍草相隨我
不如

青青水中蒲葉短不出水婦人不下堂行子在
萬里

孟東野失子 并序

東野連產三子不數日輒失之幾老念無後以
悲其友人昌黎韓愈懼其傷也推天假其命以
喻之

失子將何尤吾將上尤天女實主下人與奪一
何偏彼於女何有乃令蕃且延此獨何罪辜生

一作

死旬日間上呼無時聞滴地淚到泉地祇爲之
悲瑟縮久不安乃呼大靈龜騎雲歛天門問天
主下人薄厚胡不均天曰天地人由來不相關吾
懸日與月吾繫星與辰日月相噬齧星辰踏而
顛吾不女之罪知非女由緣且物各有分孰能
使之然有子與無子禍福未可原魚子滿母腹
一二欲誰憐細腰不自乳舉族長孤懸一作鵠鵠
啄母腦母死子始蕃蝮蛇生子時坼裂腸與肝
好子雖云好未還恩與勤惡子不可說鴟梟蝮
蛇然有子且勿喜無子固勿歎上聖不待教賢

一作

聞語而遷下愚聞語惑雖教無由俊大靈頓頭
受即日以命還地祇謂大靈女往告其人東野
夜得夢有夫玄衣巾闐然入其戶三稱天之言
再拜謝玄夫收悲以歡忻

次韻和皇甫湜陸渾山火

皇甫補官古陸渾時當大冬澤乾源山狂谷很
相吐吞風怒不休何軒軒擺磨出火以自燔有
聲夜中驚莫原天跳地踔顛乾坤赫赫上照窮
崖垠截然高周燒四垣神焦鬼爛無逃門三光
弛墮不暇一作復暎虎熊麋豬逮猴猿水龍鼉龜魚

一作敢

一作致

一作番 一作眩 一作虹

與鼃鴟鴞鴈鷹鵠鷓鴣魚煨燻孰飛奔祝融
告休酌卑尊錯陳齊收一作致闡一作闢華園芙蓉披
猖塞鮮繁干鐘萬鼓咽耳喧攢雜啾嘯沸一作沸簾
填彤幢絳旃紫燾番一作番炎官熱屬朱冠禪髻其肉
皮通脞腎頰胷垤腹車轆掀緹顏朱一作朱股豹兩
韃霞車紅鞞日轂轡丹莖縹蓋緋繡帑紅帷赤
幕羅脹膳盍池波風肉陵屯豁呀鉅壑頗黎盆
豆登五山瀛四罇熙熙醕醕笑語言雷公擘山
海水翻齒牙嚼齧舌駉反電光礮礮頰目暖頊
冥收威避玄根斥棄輿馬背厥孫縮身潛喘拳

一作自古

肩跟君臣相憐加愛恩命黑螭偵焚其元天關
悠悠不可援夢通上帝血面論側身欲進叱於
闍帝賜九河湔淚一作涕痕又詔巫陽反其魂徐命
之前問何冤火行於冬古所存我如禁之絕其
餐一作夫女丁婦壬傳世婚一朝結讎奈後昆時行
當反慎藏蹲視桃著花可小騫月及申酉利復
怨助汝五龍從九鯤溺厥邑囚之一作出崑崙皇甫
作詩止睡昏辭誇出真遂上焚要余和增怪又
煩雖欲悔一作悔舌不可捫

縣齋讀書

一作與

出宰山水縣讀書松竹一作桂林蕭條捐末事邂逅
得初心哀狄醒俗耳清泉潔塵襟詩成有共賦
酒熟無孤斟青竹時默釣白雲日幽尋南方本
多毒北客恒懼侵謫譴甘自守滯留愧難任投
章類縞帶佇荅一作益逾兼金

題新竹

筍添南堦竹日日成清悶縹節已儲霜黃苞猶
揜翠出欄抽五六當戶羅三四高標陵秋嚴貞
色奪春媚稀生巧補林併出疑爭一作全遮地縱橫乍
依行爛漫忽無次風枝未飄吹露粉先涵淚何

一作霧

人可攜翫清景空瞪視

晚菊

少年飲酒時踊躍見菊花今來不復飲每見恒
咨嗟佇立摘滿手行行把歸家此時無與語棄
置奈悲何

齒落

去年落一牙今年落一齒俄然落六七落勢殊
未已餘在皆動搖盡落應始止憶初落一時但
念豁可恥及至落二三始憂衰即死每一將落
時凜凜恒在已义牙妨食物顛倒怯漱水終焉

捨我落意欲崩山比今來落既熟見落空相似
餘存二十餘次第知落矣儻常歲一落自足支
兩紀如其落併空與漸亦同指人言齒之落壽
命理難恃我言生有涯長短俱死爾人言齒之
豁左右驚諦視我言莊周云木鴈各有喜語訛
默固好嚼廢軟還美因歌遂成詩特用詫妻子
哭楊兵曹凝陸歙州參

人皆期七十纔半豈蹉跎數出知己淚自然白
髮多晨興爲誰慟還坐久滂沱論文與晤語

新墳

與宿

已矣兩

一作復

如何

草

一作爾

苦寒

四時各平分一氣不可兼隆冬奪春序顛項固
不廉太昊弛維綱畏避但守謙遂令黃泉下萌
牙天句尖草木不復抽百味失苦甜凶飈攪一作擾
宇宙銚刃甚割砭日月雖云尊不能活烏蟾羲和
送日出惟怯煩一作煩窺覘炎帝持祝融呵噓不相
炎而我當此時恩光何由沾肌膚生鱗甲衣被
如刀鑱氣寒鼻莫齟血凍指不拈濁醪沸入喉
口角如銜箝將持匕箸食觸指如排籤侵鑪不
覺暖熾炭屢以添探湯無所益何況續與縑虎

鍊作

已作

鳳作

玉作

豹僵穴中蛟螭死幽潛熒惑喪躔次六龍冰脫
聶芒碭一作賜大包内生類恐盡殲啾啾窻間雀不
知已微纖舉頭仰天鳴所願晷刻淹不如彈射
死却得親魚燂鸞皇苟不存爾固不在占其餘
蠢動儔俱死誰思一作思嫌伊我稱最靈不能安寢
苦悲哀激憤歎五藏難安恬中宵倚牆立淫淚
何漸漸天子哀無辜惠我下顧瞻褰旒去耳續
調和進梅鹽賢能日登御黜彼傲與儉生風吹
死氣豁達如褰簾懸乳零落墮晨光入前簷雪
霜頓銷釋土脉膏且黏豈徒蘭蕙榮施及艾與

兼日萼行鏢鏢風條坐襜襜天平苟其能吾死
意亦厭

和虞部盧

四有汀酬翰林錢
七有徽赤藤杖

歌

或無四
七字

赤藤爲杖世未窺臺郎始攜自滇池滇王埽宮
避一作邀使者跪進再拜語盟咿繩橋拄過免傾墮
性命造次蒙扶持途經百國皆莫識君臣聚觀
逐旌麾共傳滇神出水獻赤龍拔鬚血淋漓又
云羲和操火鞭暝到西極睡所遺幾重包裹自
題署不以珍怪誇荒夷歸來捧贈同舍子浮光

照手欲把疑空堂晝眠倚牖戶飛電一作雷著壁搜
蛟螭南宮清深禁圍密唱和有類吹埴篴妍辭
麗句不可繼見寄聊且慰分司

崔十六少府攝伊陽以詩及書見投因

酬三十韻

一作酬之無
三十韻字

崔君初來時相識頗未慣但聞赤縣尉不比博
士慢賃屋住一作得連牆往來忻莫間我時亦新居
觸事苦難辨蔬飧要同喫破襖請來綻謂言安
堵後貸借更何患不知孤遺多舉族仰薄宦有
時未朝餐得米日已晏隔牆聞謹呼衆口極鶩

妻一作

鴈前計頓乖張居然見真贗嬌兒好眉眼袴脚
凍兩髀捧書隨諸兄累累角尚壯冬惟茹寒壘
秋始識瓜瓣問之不言飢飫若厭芻豢才名三
十年久合居給諫白頭趨走裏閉口絕謗訕府
公舊同袍拔擢宰山澗寄詩雜詠能有類說鵬
鷄上言酒味酸冬衣表一作表竟未撥下言人吏稀惟
足彪與麇又言致豬鹿此語乃善幻三年國子
師腸肚集藜莧況住洛之涯魴鱒可罩汕肯效
屠門嚼久嫌弋者纂謀拙日焦拳活計似鋤剗
男寒澀詩書女瘦剩腰襜爲官不事職厥罪在

欺慢行當自劾去漁釣老葭蘆歲窮寒氣驕冰
雪滑磴棧音問難屢通何由覲清盼

送侯參謀赴河中幕

憶昔初及第各以少年稱君頤始生鬚我齒清
如冰爾時心氣壯百事謂已能一別詎幾何忽
如隔晨興我齒豁可鄙君顏老可憎相逢風塵
中相視迭嗟矜幸同學省官末路再得朋東司
絕教授遊宴以爲恒秋漁蔭密樹夜博然明燈
雪逕詆一作抵樵叟風廓折談僧陸渾桃花間有湯
沸如蒸三月崧少步躑躅紅千層沙洲厭晚坐

朝一作見

講一作

嶺壁窮晨

一作朝

昇沈冥不計日為樂不可勝遷滿

一已異乖離坐難憑行行事結束人馬何躋騰

感激生膽勇從軍豈嘗曾光洗司徒公天子

與肱提師十萬餘四海欽風稜河北兵始一作未進

蔡州帥新薨曷不請埽除活彼黎與蒸鄙夫誠

怯弱受恩愧徒弘猶思脫儒冠棄死取先登又

欲面言事上書求詔徵侵官固非是妄作譴可

懲惟當待責免耕斲歸溝塍今君行得所勢若

脫鞬鷹檄筆無與讓幕謀識其膺收績開史牒

翰飛逐溟鵬男兒貴立事流景不可乘歲老陰

一作

一作附得所
一作得所附

職

掃

沴作雲頽雪翻崩別袖拂洛水征車轉峻陵勤
勤酒不進勉勉恨已仍送君出門歸愁腸若牽
繩默坐念語笑癡如遇寒蠅策馬誰可適晤言
誰為應席塵惜不拂殘罇醕空凝信知後會時
日月屢環絙生期理行役歡緒絕難承寄書惟
在頻無恹簡與繒

東都遇春

少年氣真狂有意與春競行逢二三月九州花

相映川原曉服鮮桃李晨粧靚一作靚荒乘不知疲

醉死豈辭病飲噉惟所便文章倚豪橫爾來曾

一作最

已作

幾時白髮忽滿鏡舊遊喜乖張新輩足嘲評心
 腸一變化羞見時節盛得閑無所作貴欲辭視
 聽深居疑避仇默卧如當暝朝曦入牖來鳥喚
 昏不醒為生鄙計筭鹽米告屢一作屢罄坐疲都
 忘起冠側懶復正幸蒙東都官獲離機與穿乖
 慵遭傲僻漸染生弊性既去焉能追有來猶莫
 聘有船魏王池往往縱孤泳水容與天色比處
 皆綠淨岸樹共紛披渚牙相緯經懷歸苦不果
 即事取幽迸貪求匪名利所得亦以併悠悠度
 朝昏落落一作落魄捐季孟羣公一何賢上戴天子聖
 謀謨收禹績四面出雄勁轉輸非不勤稽逋有
 軍令在庭百執事奉職各祇敬我獨胡為哉坐
 與億兆慶譬如籠中鳥仰給活性命為詩告友
 生負愧終究竟

感春五首

辛夷花高最先開青天露坐始此迴已呼孺人
 夏鳴瑟更遣稚子傳清精盃選壯軍興不為用坐
 狂朝論無由陪如今到死得閑處還有詩賦歌
 康哉

一作高

洛陽東風幾時來川波岸柳春全迴宮門一鎖

不復啓雖有九陌無塵埃策馬上橋朝日出樓
闕赤白正崔嵬孤吟屢闕莫與和寸恨至短誰
能裁

春田可耕時已催王師北討何當迴放軍一作車載

草農事濟戰馬苦飢誰念哉蔡州納節舊將死
起居諫議聯翩來朝廷未省有遺策肯不垂意
鉞與壘

前隨杜尹拜表迴笑言溢口何歡哈孔丞別我
適臨汝風骨峭峭遺塵埃音容不接祇隔夜凶
訃詎可相尋來天公高居鬼神惡欲保性命誠

難哉

辛夷花房忽全開將衰正盛須頻來清晨輝輝
燭霞日薄暮耿耿和煙埃朝明夕暗已足歎況
乃滿地成摧頽迎繁送謝別有意誰肯留念少
環迴

酬裴十六功曹巡府西驛塗中見寄一本無塗字

相公罷論道聿至治一作來活東人御史坐言事作吏

府中塵遂令河南治今古無儔倫四海日富庶
道塗隘蹄輪府西三百里候館同魚鱗相公謂
御史勞子去自巡是時山水秋光景何鮮新哀

一作
勞苦

鴻鳴清耳宿霧^{一作}濛濛高旻遺我行旅詩軒軒有
風神譬如黃金盤照耀荆璞真我來亦已幸事
賢友其仁持竿洛水側孤坐屢窮神多才自勞
苦無用祇因循辭免期匪遠行行及山春

燕河南府秀才^{得生字}

吾皇紹祖烈天下再太平詔下諸郡國歲貢鄉

曲英元和五年冬房公尹東京功曹上言公^{一作}

言是日當登名乃選二十縣試官得鴻生羣儒

負已材相賀簡擇精怒起簸羽翻引吭吐鏗轟

此都自周公文章^物繼名聲自非絕殊尤難使耳

一作
月

目驚今者遭震薄不能出聲鳴鄙夫忝縣尹愧
慄難為情惟求文章寫不敢妬與爭還家勅妻
兒具此煎魚烹柿紅蒲萄紫肴果相扶藥芳茶
^{一作}茶出蜀門好酒濃且清何能充歡燕庶以露厥
誠昨聞詔書下權公作邦禎^{一作}文^{一作}人得其職文
道當大行陰氣攪短日冷雨澀不晴勉哉戒徒
馭家國遲子榮

送李翱

廣州萬里塗山重江逶迤行行何時到誰能定
歸期揖我出門去顏色異恒時雖云有追送足

跡絕自茲人生一世間不自張與施譬如浮江
木縱橫豈自知寧懷別時苦勿作別後思

送石處士赴河陽幕 得起字

長把種樹書人云避世士忽騎將軍馬自號報
恩子風雲入一作雷開壯懷泉石別幽耳鉅鹿師欲老
常山險猶恃豈惟彼相憂固是吾徒恥去去事
方急酒行可以起

送李正字 一作判官歸湖南

長沙入楚深洞庭值秋晚人隨鴻鴈少江共蒹
葭遠歷歷余所經悠悠子當近孤游懷耿介旅

宿夢婉婉風土稍殊音魚蝦日異飯親交俱在
此誰與同息偃

昌黎先生詩集卷第四 十五日早起竟山卷

昌黎先生詩集卷第五

門人李

漢

編

辛卯年雪一首

元和六年春寒氣不肯歸河南二月末雪花一
尺圍崩騰相排拶龍鳳交橫飛波濤何飄揚天
風吹旛旂白帝盛羽衛髮髮振裳衣白霓先啓
塗從以萬玉妃翕翕陵厚載譁譁弄陰機生平
未曾見何暇議是非或云豐年祥飽食可庶幾
善禱吾所慕誰言寸誠微

一作
勢笔

醉留東野

昔年因讀李白杜甫詩長恨二人不相從吾與
東野生並世如何復躡二子蹤東野不得官白
首誇龍鍾韓子稍姦黠自慙青蒿倚長松低頭
拜東野願得終始如駟蚤東野不迴頭有如寸
筵撞鉅鐘吾願身為雲東野變為龍四方上下
逐東野雖有別離無由逢

李花一首

平旦入西園梨花數株若矜夸旁有一株李顏
色慘慘似含嗟問之不肯道所以獨繞百巾至
日斜忽憶前時經此樹正見芳意初萌芽奈何

一作

赴酒不省錄不見玉枝攢霜葩泣然為汝下雨
淚無由反旆羲和車東風來吹不改顏蒼茫夜
氣生相遮冰盤夏薦碧實脆斥去一作片雲不御
慙其花當春天地爭奢華洛陽園苑尤紛拏誰
堆平地萬堆雪翦刻作此連天花日光赤色照
未好明月暫入都交加夜領張徹投盧仝乘雲
共至玉皇家長姬香御四羅列縞裙練帨無等
差靜濯明粧有所奉顧我未肯置齒牙清寒瑩
骨肝膽醒醒一生思慮無由邪

招揚之罟

一作罟之

十字作百已
字一作日以

柏生兩石間萬歲終不大野馬不識人難以駕
車蓋柏移就平地馬羈入殿中馬思自由悲柏
有傷根容傷根柏不死千丈日已至一作不難至馬悲
罷音疲還樂振頓一作迅矜鞍轡之罟南山來文字得
我驚館置使讀書日有求歸聲我令之罟歸失
待一作實待一作失得柏與馬之罟別我去計出柏馬下我
自之罟歸入門思而悲之罟別我去能不思我
為酒埽縣中居引水經竹間罟譁所不及何異
山中閑前陳百家書食有肉與魚先王遺文章
綴緝實在余禮稱獨學陋易貴不遠復作詩招

之罟晨夕抱飢渴

寄盧仝

玉川先生洛城裏破屋數間而已矣一奴長鬚
不裹頭一婢赤脚老無齒辛勤奉養十餘人上
有慈親下妻子先生結髮憎俗徒閉門不出動
一紀至今一作令鄰僧乞米送僕忝縣尹能不恥俸
錢供給公私餘時致薄少助祭祀勸參留守謁
大尹言語纔及輒掩耳水北山人得名聲去年
去作幕下士石處水南山人又繼往鞍馬僕從塞
閭里温處少室山人索價高兩以諫官徵不起李

彼皆刺口論世事有力未免遭驅使先生事業

不可量惟用法律自繩已春秋五一作傳束高閣

獨抱遺經究終始往年弄筆嘲同異怪辭驚衆

謗不已一作謗辭驚衆怪不已近來自說尋坦塗猶上虛空一作青雲

跨駮駟去歲生兒名添丁意令與國充耘耔國

家丁口連四海豈無農夫親耒耜先生抱才終

大用宰相未許終不仕假如不在陳力列立言

垂範亦足恃苗裔當蒙十世宥豈謂貽厥無基

址故知忠孝生天性潔身亂倫安足擬昨晚長

鬚來下狀隔牆惡少惡難似每騎屋山下窺瞰

潭舍驚怕走折趾憑依媾媾欺官吏不信令行

能禁止先生受屈未曾語忽此來告良有以嗟

我身為赤縣令操權不用欲何俟立召賊曹呼

五百盡取鼠輩尸諸市先生又遣長鬚來如此

處置非所喜況又時當長養節都邑未可猛政

理先生固是余所畏度量不敢窺涯涘放縱是

誰之過歟效尤戮僕愧前史買羊沽酒謝不敏

偶逢明月耀桃李先生有意許降臨更遣長鬚

致雙鯉

酬司門盧四兄雲夫院長望秋作

一作青
思自絨

長安雨洗新秋出極目寒鏡開塵函終南曉望
蹋龍尾倚天更覺青巉巖自知短淺無所補從
事久此穿朝衫歸來得便即遊覽暫似壯馬脫
重銜曲江荷花蓋十里江湖生思自莫絨樂遊
下矚無遠近綠槐萍合不可芟白首寓居誰借
問平地寸步屈一作高雲巘雲夫吾兄有狂氣嗜好
與俗殊酸鹹日來省我不肯去論詩說賦相誦
誦望秋一章已驚絕猶言低抑一作伺避謗讒若使
乘酣騁雄怪造化何以當鐫劂嗟我小生值強
伴怯膽變勇神明鑒馳坑跨谷終未悔為利而

止真貪饒高揖羣公謝名譽遠追甫白感至誠
樓頭見一作月不共宿其奈就缺行纖纖一作

誰氏子

非癡非狂誰氏子去入王屋稱道士白頭老母
遮門啼挽斷衫袖留不止翠眉新婦年二十載
送還家哭穿市或云欲學吹鳳笙一作皇所慕靈妃
媿蕭史又云時俗輕尋常力行險怪取貴仕神
仙雖然有傳說知者盡知其妄矣聖君賢相安
可欺乾死窮山竟何俟嗚呼余心誠豈弟願往
教誨究終始罰一勸百政之經不從而誅未晚

耳誰其友親能哀憐寫吾此詩持送似一作以

河南令舍池臺

灌地纔盈五六丈築臺不過六七尺一作七尺欲將
層級壓籬落未許波瀾量斗碩規模雖巧何足
誇指一作掃趣不遠真可惜長令人吏遠趨走已有
蛙黽助狼籍

送無本師歸范陽即賈島

無本於為文身大不及膽吾嘗示之難勇往無
不敢蛟龍弄角牙造次欲手攬眾鬼囚大幽下
覷襲玄窞天陽熙四海注視首不領鯨鵬相摩

一
鷓

宰兩舉快一噉夫豈能必然固已謝黯黯狂詞
肆滂葩低昂見舒慘姦窮怪變得往往造乎澹
蜂蟬碎錦纈綠池埵一作坏苗苜苳英擢荒蕘一作榛孤

翩起連茨家住幽都遠未識氣先感來尋吾何
能無殊嗜昌歎始見洛陽春桃枝綴紅糝遂來
長安里時卦轉習坎老懶無關心久不事鈇槩
欲以金帛酬舉空一作室常顧頷念當委我去雪霜
刻以懜獰颺摺空衢天地與頓撼勉率吐歌詩
尉汝別後覽一作慰

石鼓歌

一作佩
一作百
一作簡
一作撰

張生手持石鼓文勸我試作石鼓歌少陵無人
謫仙死才薄將奈石鼓何周綱陵遲四海沸宣
王憤起揮天戈大開明堂受朝賀諸侯劔珮鳴
相磨蒐于岐陽騁雄俊萬里禽獸皆遮羅鑄功
勒成告萬世鑿石作鼓隳嵯峨從臣才藝咸第
一揀選撰刻留山阿雨淋日炙野火燎鬼物守
護煩撓訶公從何處得紙本豪髮盡備無差訛
辭嚴義密讀難曉字體不類隸與科年深豈免
有缺劃快劔斫斷生蛟鼉鸞翔鳳翥衆仙下珊
瑚碧樹交枝柯金繩鐵索鎖紐壯古鼎躍水龍

一作騰
龍

騰梭陋儒編詩不收入二雅褊迫無委蛇孔子
西行不到秦倚撫星宿遺羲娥嗟予好古生苦
晚對此涕淚雙滂沱憶昔初蒙博士徵其年始
改稱元和故人從軍在右輔爲我量度掘臼科
濯冠沐浴告祭酒如此至寶存豈多氈苞席裹
可立致十鼓祇載數駱駝薦諸太廟比郤鼎光
價豈止百倍過聖恩若許留太學諸生講解得
切磋觀經鴻都尚填咽坐見舉國來奔波剜苔
剔蘚露節角安置妥帖平不頗大厦深簷與蓋
覆經歷久遠期無他中朝大官一作夫老於事詎肯

感激徒媿嬰牧童敲火牛礪角誰復著手爲摩
挲日銷月鑠就埋沒六年西顧空吟哦義之俗
書趨姿媚數紙尚可博白鴛繼周八代爭戰罷
無人收拾理則邗方今太平日無事柄用儒術
崇丘軻安能以此上論列願借辨口如懸河石
鼓之歌止於此嗚呼吾意其蹉跎

雙鳥詩

雙鳥海外來飛飛到中州一鳥落城市一鳥集
巖幽不得相伴鳴爾來三千秋兩鳥各閉口
萬象銜口頭春風卷地起百鳥皆飄浮兩鳥忽

相逢白日鳴不休有耳聒皆聾有口反自羞百
舌舊饒聲從此恒低頭得病不呻喚泯默一作然至
死休雷公告天公百物須膏油自從兩鳥鳴聒
亂雷聲收鬼神怕嘲詠造化皆停留草木有微
情挑挾示九州蟲鼠誠微物不堪苦誅求不停
兩鳥鳴百物皆生愁不停兩鳥鳴自此無春秋
不停兩鳥鳴日月難旋轉不停兩鳥鳴大法失
九疇周公不爲公孔丘不爲丘天公怪兩鳥各
捉一處囚百蟲與百一作七鳥然後鳴啾啾兩鳥既
別處閉聲省愆尤朝食千頭龍暮食千頭牛朝

飲河生塵暮飲海絕流還當三千秋更起鳴相
酬

贈劉師服

羨君齒牙牢且潔大肉硬餅如刀截我今牙豁
落者多所存十餘皆兀艱匙抄爛飯穩送之合
口軟嚼如牛呵妻兒恐我生悵望盤中不飭粟
與梨祇今年纔四十五後日懸知漸莽鹵朱顏
皓頸訝莫親此外諸餘誰更數憶昔太公仕進
初口含兩齒無羸餘虞翻十三比一作此豈少遂自
惋恨形於書丈夫命存百無害誰能檢點形骸

遺作

外巨緡東釣儻可期與子共飽鯨魚膾

題炭谷湫祠堂

萬生都陽明幽暗鬼所寰嗟龍獨何智出入人
鬼間不知誰爲助若執造化關厭處平地水巢
居插天山列峯若攢指石孟仰環環巨靈高其
捧保此一掬慳森沈固含蓄本以儲陰姦魚鼈
蒙擁護羣嬉傲天頑翻翻棲託禽飛飛一何閑
祠堂像侔真擢玉紆煙鬢羣怪儼伺候恩威在
其顏我來日正中悚一作怵惕思先還寄立尺寸地
敢言來塗艱吁無吹毛刃血此牛蹄殷至令乘

水旱鼓舞寡與鰥林叢鎮冥冥窮年無由刪妍
英雜豔實星瑣黃朱班石級皆險滑顛躋莫牽
攀危區雛衆碎付與宿已頒棄去可奈何吾其
死茅菅

聽穎師彈琴

昵昵兒女語恩怨相爾汝劃然變軒昂勇士赴
敵場浮雲柳絮無根蒂天地闊遠隨飛揚喧啾
百鳥羣忽見孤鳳皇躋攀分寸不可上失勢一
落千丈強嗟余有兩耳未省聽絲篁自聞穎師
彈起坐在一牀一作傍推手遽止之溼衣淚滂滂穎

一作穎乎穎
乎誠能

一作

乎一作師穎爾誠能無以冰炭置我腸

送陸暢歸江南

舉舉江南子名以能詩聞一來取高第官佐東
宮軍迎婦丞相府誇映秀士羣鳴鸞桂樹間觀
者何繽紛人事喜顛倒旦夕異所云蕭蕭青雲
幹遂逐荆棘焚歲晚鴻鴈過鄉思見新文踐此
秦關雪家彼吳洲雲悲啼上車女骨肉不可分
感槩都門別丈夫酒方醺我實門下士力薄蚋
與蚊受恩即不報永負湘中墳

送進士劉師服東歸

猛虎落檻穿坐食一作如孤狔丈夫在富貴豈必
守一門公心有勇氣公口有直言奈何任埋沒
不自求騰軒僕本亦進士頗嘗究根源由來骨
鯁材喜被軟弱吞低頭受侮笑隱忍碑兀冤泥
兩城東路夏槐作雲屯還家雖闕短指日親晨
餐攜持令名歸自足貽家尊時節不可翫親交
可攀援勉來取金紫勿久休中園

嘲魯連子

魯連細兒點有似黃鷄子田巴兀老蒼憐汝矜
爪背開端要驚人雄跨吾厭矣高拱禪鴻聲若

輟一盃水獨稱唐虞賢顧未知之耳

贈張籍

吾老嗜讀書餘事不掛眼有兒雖甚憐教示不
免簡君來好呼出踉蹌越門限懼其無所知見
則先愧赧昨因有緣事上馬插手版留君住廳
食使立侍盤餼薄暮歸見君迎我笑而莞指渠
相賀言此是萬金產吾愛其風骨粹美無可揀
試將詩義授如以肉貫弗開袪露豪末自得高
蹶嶮我身蹈丘軻爵位不早綰固宜長有人文
章紹編刻感荷君子德悅若乘朽棧召令吐所

記解摘了瑟僂顧視窻壁間親戚競覘鸞喜氣
排寒冬逼耳鳴睨眈如今更誰恨便可耕灞漣

調張籍

李杜文章在光豔萬丈長不知羣兒愚那用故
謗傷蚍蜉撼大樹可笑不自量伊我生其後舉
頸遙相望夜夢多見之晝思反微茫徒觀斧鑿
痕不矚治水航想當施手時巨刃磨天揚垠一作根
崖劃崩豁乾坤擺雷礮惟此兩夫子家居率荒
涼帝欲長吟哦故遣起且僵翦翎送籠中使看
百鳥翔平生千萬篇金薤垂琳琅仙官勅六丁

一作顧生
兩翅翎

雷霆下取將流落人間者太山一豪芒我願生
兩翅捕逐出八荒精誠忽交通百怪入我腸刺
手拔鯨牙舉瓢酌天漿騰身跨汗漫不著織女
相一作顧顧語地上友經營無太忙乞君飛霞珮與
我高頡頏

盧郎中雲夫寄示送盤谷子詩二章歌

以和之

昔尋李愿向盤谷正見高崖巨壁爭開張是時
新晴天井溢誰把長劒倚太行衝風吹破落天
外飛雨白日灑洛陽東蹈燕川食曠野有饋木

一作
鷺雁

一作
沙汀

蕨芽滿筐馬頭溪深不可厲借車載過水入箱
 平沙綠浪榜方口鴈鴨一作燕鴈飛起穿垂楊窮探極
 覽頗恣橫物外日月本不忙歸來辛苦欲誰為
 坐令再往之計墮眇茫閉門長安三日雪推書
 撲筆歌慨慷旁無壯士遣屬和遠憶盧老詩顛
 狂開緘忽覩送歸作字向紙上皆軒昂又知李
 侯竟不顧方冬獨入崔嵬藏我今進退幾時決
 十年蠢蠢隨朝行家請官供不報荅無異雀鼠
 偷太倉行抽手版付丞相不待彈劾還耕桑

寄皇甫湜

敲門驚晝睡問報睦一作乃州吏手把一封書上有
 皇甫字拆書放牀頭涕與淚垂四昏昏還就枕
 惘惘夢相值悲哉無竒術安得生兩翅

病中贈張十八

中虛得暴下避冷卧北窻不蹋曉鼓朝安眠聽
 逢逢籍也處問里抱能未施邦文章自娛戲金
 石日擊撞龍文百斛鼎筆力可獨扛談舌久不
 掉非君亮誰雙扶几導之言曲節初縱縱半塗
 喜開鑿派別失大江吾欲盈其氣不令見麾幢
 牛羊滿田野解旆束空杠傾罇與斟酌四壁堆

一作
坪

一作
几

甕缸玄帷隔雪風照鑪釘明缸夜闌一作縱押闔
哆口踈眉厖勢侔高陽翁坐約齊橫降連日挾
所有形軀頓降肛歸將乃徐謂子言得無咤迴
軍一作君與角逐斫樹收窮龐雌聲吐欵要酒壺綴
羊腔君乃崑崙渠籍乃嶺頭瀧譬如蟻垤微詎
可陵崆峒幸願終賜之教斬拔枿與椿從此識歸
處東流水淙淙

雜詩一作言

古史散左右詩書置後前豈如書蠹蟲生死文
字間古道自愚戇一作蠢古言自包纏當今固殊古

一作書蠹

一作

誰與為欣歡獨攜無言子共昇崑崙顛長風飄
襟裾遂起飛高圓下視寓九州一塵集豪端傲
嬉未云幾下已億萬年向者夸奪子萬墳壓其
巔惜哉抱所見白黑未及分慷慨為悲咤淚如
九河翻指摘相告語雖還今誰親翩然下大荒
被髮騎騏驎

寄崔二十六立之

西城負外丞心跡兩倔竒往歲戰詞賦不將勢
力隨下驢入省門左右驚分披傲兀坐試席深
叢見孤羆文如翻水成初不用意為四座各低

一作掘

面一作回不敢挾眼窺升階揖侍郎歸舍日未欵佳
句喧衆口考官敢瑕疵連年收科第若摘領底
髭迴首卿相位通塗一作通無他岐豈論校書郎袍
笏光參差童稚見稱說祝身得如斯儕輩妬且
熱喘如竹筒吹老婦願嫁女不約論財資老翁
不量分累月笞其兒攪攪一作擾擾爭附託無人角雄
雌由來人間事翻覆不可知安有巢中鷄插翅
飛天陞駒麕著爪牙猛虎借與皮汝頭有韁繫
汝脚有索縻陷身泥溝間誰復稟指搗不脫吏
部選可見偶與竒又作朝士貶得非命所施客

居京城中十日營一炊逼迫走巴蠻恩愛座上
離昨來漢水頭始得完孤羈桁掛新衣裳盜棄
食殘糜苟無飢寒苦那用分高卑憐我還好古
宦塗同險巖每旬遺我書竟歲無差池新篇奚
其思風蟠肆逶迤又論諸毛功劈水看蛟螭雷
電生睽暘角鬣相撐枝屬我感窮景把筆能不
紅相盛衰功能喻其誠深淺抽肝脾開展放我
側方餐涕垂匙朋交日彫謝存者逐利移子寧
獨迷誤綴綴意益彌舉頸庭樹豁狂飈卷寒曦

巧一作

矯一作

學一作

謝本作感肩又
一作感居非是

一作
一作

一作
重作

一作
不作

又作興君身

迢遞山水隔何由應墳箎別來就十年君馬記
駟驪長女當及事誰助出悅縞諸男皆秀朗幾
能守家規文字銳氣在輝輝見旌麾推腸與感
眉能復持酒卮我雖未耆老髮秃骨力羸所餘
十九齒飄飄盡浮危玄花著兩眼視物隔襍襪
燕席謝不詣游鞍懸莫騎孜孜凭書案譬彼鳥
黏繭且吾聞之師不以物自一作相墮孤豚服糞壤
不慕太廟犧君看一時人幾輩先騰馳過半黑
頭死陰蟲食枯骴歡華不滿眼咎責塞兩儀觀
名計之利詎足相陪裨仁者恥貪冒受祿量所

或作襪
謝本作襪

宜無能食國惠豈異哀瘞罷久欲辭謝去休令
衆睢睢况自嬰疹疾寧保軀不貲不能前死罷
內實慙神祇舊籍在東都茅屋枳棘籬還歸非
無指灞渭揚春漸生兮耕吾疆死也埋吾陂文
書自傳道奚仗史筆垂夫子固吾黨新恩釋銜
羈去來伊洛上相待安罟罽我有雙飲釃其銀
得朱提黃金塗物象雕鐫妙工倕乃令千里鯨
么麼微螽斯猶能爭明月擺掉出渺瀰野草花
葉細不辨蕢菜菘縣縣相糾結狀似環城陴四
隅芙蓉樹擢豔皆猗猗鯨以興居狀一作狀失所

興居

一作

醜一作又一作離

朝一作

宋本此上有盧仝月能詩一首

一作

一本作巽肩一作眉吳

撒一作

逢百罹月以喻夫道僂勉勵莫虧草木明覆載
妍臭齊榮萎願君恒御之行止新一作燧觸異日
期對舉當如合分支

月蝕詩效玉川子作

元和庚寅斗插子月十四日三更中臨臨萬木
夜僵立寒氣曩一作肩頑無風月形如白盤貌貌上
天東忽然有物來噉之不知是何蟲如何至神
物遭此狼狽凶星如撥沙出攢集爭強雄油燈
不照席是夕吐燄如長一作虹玉川子涕泗下中
庭獨行念此日月者為天之眼睛此猶不自保

一作 把 一作 皇

一作 全

吾道何由行嘗聞古老言疑是蝦蟇精徑圓千
里納汝腹何處養汝百醜形爬沙脚手鈍誰使
汝解緣青冥黃帝有四目帝舜重其明今天祇
兩目何故許食使偏盲堯呼大水浸十日不惜
萬國赤子魚頭生汝於此時若食日雖食八九
無噉名赤龍黑鳥燒口熱翎鬣倒側相搪撐婪
酣大肚遭一飽飢腸徹死無由鳴後時食月罪
當死天羅一作嗑一作而何處逃汝一無刑玉川子立於
庭而言曰地行賤臣今再拜敢告上天公臣有
一寸刃可剗凶墓腸無梯可上天天階無由有

臣蹤寄牋東南風天門西北祈風通丁寧附耳
 莫漏洩薄命正值飛廉慵東方青色龍牙角何
 呀呀從官百餘座一有從應字嚼啜煩官家月蝕汝不
 知安用為龍窟天河赤鳥司南方尾秃翅鱗沙
 月蝕於汝頭汝口開呀呀蝦蟇掠汝兩吻過忍
 學省事不以汝背啄蝦蟇於菟一作兔蹲於西旗旄
 衛甕毫既從白帝祠又食於禘禮有加忍令月
 被惡物食枉於汝口插齒牙烏龜怯姦怕寒縮
 頸以殼自遮終令夸蛾扶汝出卜師燒錐鑽灼
 滿板如星羅此外内外官瑣細不足科臣請悉

埽除慎勿許語令啾譁併光全耀歸我月盲眼
 鏡淨無纖瑕弊蛙拘送主府官帝箸下腹嘗其
 皤依前使兔操杵曰玉階桂樹閑婆娑恒娥還
 宮室太陽有室家天雖高耳屬地感臣赤心使
 知臣意雖無口言潛喻厥旨有氣有形皆吾赤
 子雖忿天傷忍殺孩稚還汝月明安行于次盡
 釋眾罪以蛙磔死

孟先生詩

孟生江海士古貌又古心嘗讀古人書謂言古
 猶今作詩三百首冥一作杳默咸池音騎驢到京國

一作
赴

欲和薰風琴豈識天子居九重鬱沈沈一門百
夫守無籍不可尋晶光蕩相射旗戟翩以森遷
延乍却走驚怪靡自任舉頭看白日泣涕下霑
襟竭來遊公卿莫肯低華簪諒非軒冕族應對
多差參萍蓬風波急桑榆日月侵奈何從進士
此路轉嶮欽異質忌處羣孤芳難寄林誰憐松
桂性競愛桃李陰朝悲辭樹葉夕感歸巢禽顧
我多慷慨窮簷時見臨清宵靜相對髮白聆苦
吟採蘭赴幽念眇然望東南秦吳修且阻兩地
無數金我論徐方牧好古天下欽竹實鳳所食

一作
海

德馨神所歆求觀衆丘小必上泰山岑求觀衆
流細必泛滄溟深子其聽我言可以當所箴既
獲則思返無爲久滯淫卞和試三獻期子在秋
砧

射訓狐

有鳥夜飛名訓狐矜凶挾狡誇自呼乘時陰黑
止我屋聲勢慷慨非常麤安然大唳誰畏忌造
作百怪非無須聚鬼徵妖自朋扇擺掉拱角頽
墜塗慈母抱兒怕入席那暇更護雞窠雛我念
乾坤德泰大邠此惡物常勤劬縱之豈即遽有

此二字本有孟郊答詩首

夫一作

害斗柄行拄西南隅誰謂停姦計尤劇意欲唐
突羲和烏侵更歷漏氣弥厲何由僥倖休須臾
咨余往射豈得已候女兩眼張睢盱梟驚墮梁
蛇走一作竇一夫斬頸羣雛枯

將歸贈孟東野房蜀客

君門不可入勢利互相推借問讀書客胡為在
京師舉頭未能對閉眼聊自思倏忽十六年終
朝苦寒飢宦塗竟寥落鬢髮生一作差池潁水清
且寂箕山坦而夷如今便當去咄咄無自疑一作

荅孟郊

又一作咄
汝無癡
此二字本有孟郊別語愈待一首

規謨背時利文字覩天巧人皆餘酒肉子獨不
得飽纔春思已亂始秋悲又攪朝餐動及午夜
諷恒至卯名聲暫羶腥腸肚鎮煎爨一作古心雖
自鞭世路終難拗弱拒喜張臂猛拏閑縮爪見
倒誰肯扶從嗔我須齧

從仕

居閑食不足從仕力難任兩事皆害性一生恒
苦心黃昏歸私室惆悵起歎音棄置人間世一作
古來非獨今

短燈檠歌

招一作

長檠八尺空自長短檠二尺便且光黃簾綠幕
朱戶閉風露氣入秋堂涼裁衣寄遠淚眼暗搔
頭頻挑一作挑燈移近牀太學儒生東魯客二十辭家
來射策夜書細字綴語言兩目眇昏頭雪白此
時提挈一作攜當案前看書到曉那能眠一朝富貴
還自恣長檠高張一作焰高照珠一作朱翠吁嗟世事無
不然牆角君看短檠棄

送劉師服

夏半陰氣始淅然雲景秋蟬聲入客耳驚起不
可留草草具盤饌不持酒獻酬士生為名累有

似魚中鉤齋財入市賣貴者恒難售豈不久懣
悴為功忌中休勉哉耘其業以待歲晚收

昌黎先生詩集卷第五

六月十七日校

